




№ 4150

~~24~~

Biblioteka Jagiellońska
Słdr0011426



№ 4150



- 1, Oratio Cromveri pro auctoritate ecclesiae.
- 2, Casimiri Vngari auf Puffen.
- 3, Confederations Acticul.
- 4, De Polonica electione.
- 5, Allyn Gaudella Vngleichung.
- 6, Rudolphi II oratio.
- 7, Oratio nomine Johannis III.
- 8, Fingung Sigismunds.
- 9, Consilium de recuperanda pace Poloniae.
- 10, Morientis Poloniae servandae ratis.
- 11, Datum P. Biskupski Wierzbiczy.
- 12, Lud Casimiri Looynski etc.
- 13, Electio Saxoniae Electoris.
- 14, Von Polnischen "Kass" Staat, Maxim.
- 15, Manifest der Fingung de Conty.
- 16, Datum in curia Varsoviensi.
- 17, Glossa über den sum Fingung Allyn Gaudella Manifest.
- 18, Pierre Alexiewitz à l'Archevêque de France.
- 19, Dr. Ezauffen Max. Demonstration.
- 20, Consilium de recuperanda pace Poloniae.
- 21, Oratio de rebus Poloniae.
- 22, Von dem Polnischen Interrogat.
- 23, Election de Stanislas Leszinski.
- 24, Instrumentum Denunciationis.
- 25, Ein Brief von dem Polnischen vortolich Volkswort beschaffender Brief.
- 26, Theodor Potocki Manifest.
- 27, Brief an den Dom.
- 28, Ein Brief von dem Polnischen Interrogat.
- 29, Die folgenden Briefe.
- 30, Die jährige Confederations.
- 31, Gravamina.

919

CONSILIVM
DATVM AMICO
DE
RECVPERANDA
ET IN POSTE-
RVM STABILIE-
DA PACE REGNI
POLONIAE.

In quo demonstratur, pacem nec
constitui, nec stabiliri
posse,

quandiu JESVITÆ in Polonia manent.

Conversum ex Polonico in
Latinum.

8

ANNO

clo Is c VII.

62



PRÆFATIO.

QUOD Diogenes olim, viri Proceres, civibus suis sub publico periculo variè occupatis, dolium verlando, ne otiosus esset, fecit, id mihi hoc afflicto Reipub. tempore, patriaque laborante, vobisque de publica salute consultantibus, faciendum putavi, idque non fallendi otii causa, sed ut civis indigena patriæ meæ, quantum per tenuitatem possem, talentulo hocce meo subvenirem. Illud quantulumcunque sit, obnixè rogo, ut pro vestra benignitate boni consulatis: & si lubet, animis vestris perpendatis: ac malis Reipub. patriæque justis remediis subveniatis. Medicorum autem more si quis per Prognostica, indicia, & varias circumstantias morbos Reipub. consideret penitus, agnoscat faciliè eorundem genuinam substantiam, immensam magnitudinem, & admirandam planè varietatem. Deinde si morborum publicorum causæ interius & foris diligentius perpendantur, primam certè, & omnium maximè principalem, Jesuitarum exquisitissimas artes, & astutissimam omnium sibi subjectorum ad conatus suos promovendos **DISPOSITIONEM**, faciliè cordatus quisque deprehendet: adcò ut quicquid uspiam malorum in Repub. nostra præteritis annis acciderit, magna ex parte solis illud Jesuiticis artibus imputandum veniat: Quamvis ne illi quidem excusandi sint, quorum negligentia veneno huic concessum fuit tam propè ad cor Reipub. penetrare: Et nisi maturè remedium huic Reipub. morbo applicetur, & acerrima illa bilis ex ægro & ferè non absumpso Reipub. corpore removeatur, nullum est dubium, quin de salute patriæ nostræ actum sit: ita ut in posterum (quod Deus avertat) de funere Reipub. citiùs sit cogitandum, quàm de salute restituenda.

Et quia morbus ille inveteratus satis acutè patriam nostram hactenus affligit, curatio ejus nulla alia suscipi, inò ne cogitari quidem poterit, nisi causæ illius malo sine cunctatione de corpore Reipub. agrò à radice removeantur hoc est, ut Jesuitæ, eorumque dispositoriæ artes è Regno Poloniae prorsus eliminentur. Nam si ex aula Regia tantùm, aut ex aliquibus civitatibus depellantur, sive etiam in ordinem redigantur, in monasteria occludantur, &c. Reipub. corpus integræ sanitati nunquam tutò poterit restitui. Dum enim ignominiam inultam Jesuitæ nunquam ferent, recrudescunt protinus Reipub. vulnera, quando isti socii quacunquè oblata occasione ad pristinas Reipub. turbandæ artes, tanquam ad professionis suæ unicum & genuinum scopum, astutè recurrent. Vestrum itaque est, Proceres, occasionem præsentem non negligere. Deus & bona causa contra hos socios pro vobis militant: patriæ calamitas à vobis remedia suo jure postulat: Regia dignitas consilium & auxilium expetit: cleri conditio subsidium rogat: senatus autoritas idem requirit: Nobilitatis status restitutionem in integrum urget. Oppressio denique plebis, viduarum, pupillorum vestrum implorat patrociniùm. Vos modò, generosa pectora forti constantia sine mora remedium hocce adhibete, egregium munus suscipite. Hoc ut feliciter ad Dei gloriam, Reipub. salutem, & vestri nominis immortalè laudem perficiatis, etiam atque etiam opto.

PETIS



PETIS à me, ut tecum per literas consilia & cogitationes meas communicem. qua nempe ratione existimem præsentis Patriæ motus sedari, & publicis malis efficax aliquod remedium adhiberi posse. Quæ cura in te mihi, mi frater, vehementer probatur, optoque ut Reipub. tui similes Cives permultos hoc tempore habeat. Utinam verò is egomet essem, qui heic non solum benè consulere, sed etiam præclarè facere & efficere aliquid possem: nec tibi nec Patriæ opera isthac mea defutura esset. Nunc autem nosti, quam curta mihi sit ad res tam arduas dijudicandas supellex: Et ut multo ab hac parte locupletior essem, quam me esse agnosco, non tamen video, quis in tanta rerum confusione privato consilio locus superesse possit.

Quia tamen nil impedit, quo minus inter amicos amicè, & si non tam exactè, pro modulo saltem de præsentis statu disquiratur: tuo desiderio, quantum à me præstari potest, satisfacere conabor.

Utque discursus mei exordium è re nata capiam, scire te velim, me, quando literas tuas accepi, hujusmodi fortè autoris lectioni intentum fuisse, qui inter cætera narrat: Priusquam scientia medica in artis formam redigeretur, Gentibus quibusdam in more fuisse positum, ut agrotos, qui gravius laborabant, in publicum deferri curarent, adjunctis eis certis hominibus, qui prætereuntes percontarentur, Num vel ipsi tale quid morbi experti sint, aut in aliis observaverint? Et qualia remedia, quoque successu contra illud sint adhibita. Hac cum mecum animo reputarem, illa mihi cogitationes inciderunt: Faxit Deus opt. max. ut hoc tempore Reipub. Polonica nostrum omnium Matri idem officium ab iis præstaretur, qui pro ejus genuinis Filiis haberi volunt.

Si quis, qua ratione hoc fieri posse existimem? sic cogitabam. Eam ut nunc quàm maxime agrotat, in publicum experientia Europæa forum producendam, ejusdemque vicinos, quibus-

Polonia sciret si alieni infortunii eventus ad suam cautelam observaret.

cum hanc mundi partem incolis, sedulo percontandos. Nunquid istius mali, quod ipsam premit & miserrime affligit, ipsimet experti sint, & quibus remediis contra illud usi sint?

Me autem spes certa fovebat, illud non frustra nec citra successum factitatum iri. Sic etenim jamdudum persuasus sum, Presentem morbum, quo laboramus, planè ejusdem generis esse cum illis tumultibus, qui hætenus reliqua Europa Christiana regna concusserunt & gravissime afflixerunt. Quorum nempe contagium a meridie & occidente in hunc extremum Orientalis septentrionis angulum ceu vi ventorum ex opposita plaga continuo afflantium propellitur. Differentia saltem in eo est, quòd pestis hæc Poloniam, post reliqua Europæa regna ferè omnia, ultimo loco invasit. Qua in re benignissima Dei providentia Patrie nostra hoc præ multis aliis contulit, ut comparium suorum eventus & exempla hinc ad imitationem, illinc ad cautelam præ se habeat.

Cum itaq; prædictæ Nationes non solum morbi vim, sed etiam curationis processum sustinendo magna ex parte superarint, quis dubitet, quin ab iisdem optimum malis nostris & efficacissimum consilium petere possimus? Ad quod obtinendum nullis nobis sumptuosis legationibus, nulla exploratorum opera opus erit. cum in tam parata rei librariæ facultate, utilitati nostræ abundè jam prospectum sit. Dum in plarisque Nationibus viri exercitatis-
simi, qui malis ipsis interfuerunt, Morborum suorum politico-
rum, & quæ sub ipsis perpeffi sunt, gravissimorum symptomatum
historiam accuratè descriptam in publicum emiserunt. Vbi in-
terdum diversarum partium, ceu dissidentium Medicorum fa-
ctiosas quidem, sed elegantes & eruditas controversias, quas sub
ipsum morbi æstum ediderunt, nobis consulere licebit. Quæ
commoditate si tempestivius uti voluissemus, malum, de cujus
sanatione nunc ambigua successus spe deliberare cogimur. for-
tassis, auxiliante Deo, potuisset averti. Cum verò occasio hæc
nobis oscitantibus perierit, bonum esset, si saltem medendi tempus
diligentius observaremus.

Nec turbare nos debet, quod hæc medendi ratio eruditioni-
bus Medicis non admodum probatur: Qui nempe morbi ipsius
naturalem dispositionem considerari, causasq; domesticas, ut ita
loquar,

Fatalia hujus
seculi Europæ
mala Poloni-
am ferò inva-
dunt.

loquar, expendi, & ad easdem remedia adhiberi jubent. Quem
curandi modum, ut rationi consentaneum, non vitupero: quin
potius opto, ut talis aliquis Esculapius nobis contingat. De
quo ipso tamen spes mihi admodum exigua affulget, cum peregrini-
nis Medicis non immeritò diffidamus, inter nos verò ex mille vix
unus inveniat, qui à Morbi contagio ita liber sit, ut cum spe
alicujus profectus, cura hæc ei committi possit. Exterorum itaq;
experimenta omnia nobis in consilium sunt adhibenda.

Hujus verò rei modum ut melius intelligas, mearum, quas
jam superius attingi, cogitationum rationes aliquantò dilucidius
explicabo.

Dixi, presentes nostrates turbas ex ejusdem generis morbo
promanare, quo hætenus occidentalis Europa periculose labora-
vit. Hoc ita velim intelligas. Certum est, omnes Europæ tu-
multus & intestinas passiones ab hisce 40. & amplius annis per
Executionem Concilii Tridentini excitatos esse, & ex eadem or-
tum traxisse. Si forte ballum Balthicum, quod inter Scardie
reges ante annos 36. gestum est, & nuperrimum Brunsvicen-
sium tumultum excipias.

Hæc inquam est illa presentis seculi Pandora, ex cujus fatali
pyxide omnes Europaorum intestina calamitates hætenus mihi
scaturire videntur, ita tamen ut eas non tam ipsa Concilii execu-
tio, quam executionis modus pariat.

Hoc fortè ulterius tibi vis declarari? sic igitur habeto: Exe-
cutionis modus in duabus præcipue rebus hætenus fuit repositus.
Primum sedulo annexi sunt, quibus hæc cura incubuit, ut illos
Reges & familias, quorum in Europa hæc sæculo præcipua est
auctoritas, secum invicem adunirent, & sic adunitos ad Concilii
Tridentini executionem excitarent. Et hinc est illa famata
Catholicorum unio.

Deinde ut per certos & qualificados homines impedimenta,
quæ vel in politiis politiarumq; formis & legibus, vel populorum
moribus negotio huic obstarent, quasi è via removerentur.

Hæc ratione prædictæ Concilii executio fuit instituta, quan-
tum nimirum ad generalem conatum attinet. Opus profectò
magnum & arduum, quod melioribus Mundi temporibus pe-
culiari fortuna afflatu opus habuisset, quodq; ipsius Alexandri

M. victo-

Executio
Concilii Tri-
dentini capi-
talis (scaturigo
omnium tur-
barum Euro-
pæarum.

Modus Exe-
cutionis
Tridentinæ.
I.

II.

M. victoriosum genium frangere & defatigare potuerit. Nunc autem pro ratione presentis Europae status infinita conatui huic & longe robustissima impedimenta extra ordinem fuerunt obiecta. Quibus tamen non obstantibus, res ab iis, quibus hoc per praedicti Concilii conclusionem mandatum erat, fortiter & ingenti nixu tentata fuit: sed eo haec tenus eventu, ut molimina ista turbas quidem longè maximas & valde horribiles ubiq; gentium in vulgus pepererint, ad exitum tamen nusquam perducere potuerint.

Vnio Regum
Catholico-
rum ejus-
demque fru-
ctus.

Regum enim adunitio partim per connubia, partim per confederationes, pacificationes & similia media tentari cepit & promoveri: In tanta tamen nationum regnorumq; Europaeorum discrepantia ferè consecutum est, ut pro ea qua sperabatur unione, infinita autoribus difficultates, subjectis autem populis varia molestia emergerint. Cum praesertim Reges ipsi, qui se interdum ad praedictam Executionem obtulerunt, negotium illud tam sincerè nunquam tractarent, ut sub ejusdem praetextu non sua privata commoda quarerent. Sicuti non ita dudum in Gallia licuit perspicere, quando Philippus Hispanus partium Catholicorum (hunc enim cucullum factio illa induerat) patrocinium & defensionem visus est suscipere: Ibi inquam vel tandem apparuit, eum sub hoc obtentu Galliae regnum affectare. Cum enim animadverteret, plerosq; factionis illius proceres ab Imperio Hispanico abhorrere, oblitus persone, quam agendam susceperat, manus auxiliatrices retrahere cepit, ut qui videret, se spe sua frustratum. Id quod Sixtus V. tempestivè odoratus est, illudq; agerrimè tulit.

Talia autem plura exempla adduci possent ex iis etiam, quae nos aliquantò propius tangunt. Ex his ergo personatis & male fidis Regum molitionibus in unionis istius agro perpetuum simultatum copiosissimam segetem adhuc succrescere videmus, per quas praedicta executionis negotium, per se haud facile turbatur, & Nationes iis, de quibus dictum est, difficultatibus implicantur.

Idem ferè in reliquorum impedimentorum remotione accidit. Cum enim Tridentina reformationi non solum diversus religionis sensus, per universam jam Europam latissimè sparsus, sed

etiam

etiam Nationum, populorumq; privilegia, libertates, leges & mores obstarent, illa citra tumultum ne moveri quidem potuerunt. Quae omnia tamen a praeservendis ingeniis, quibus haec Provincia non citra delectum demandata erat, non solum mota, sed acriter commota & vehementer perturbata esse constat. Hinc ergo turba, hinc simultates, hinc odia, hinc dissidentia cum reliquis fatalibus Furiis, quibus nostro tempore status politicus infestatur, ceu ex Orco proruperunt. Id quod omnes Europa nationes, quae haec pestis pervasit, sonora voce profitentur: hanc & non aliam calamitatum suarum causam omnes, qui citra morbi affectionem judicant, summo consensu allegant.

Videamus nunc ergo num malorum nostrorum Polonicorum eadem ratio sit, & num eidem generali causae ascribi queant. Id quod multis forte difficulter persuadebitur. Ego tamen illud constanter assero, & assertionis meae has probationes assero.

Certum est, Clerum Poloniae non minus haec tenus laborare, ut Concilii Tridentini decreta intra regnum executioni mandentur, eorundemq; observationi omnes subjiciantur, quam in plerisque haec tenus Occidentis partibus laboratum fuit.

In hunc enim & non alium finem mox post ingressum moderna Regiae Majestatis in regnum Synodus illa Petricoviensis celebrata fuit: quam ceu Filiam Poloniae Medea illa Tridentina peperit. Ex cujus vultu prudentiores jam tum secutura in regno administrationis omen capiebant. Cujus etiam Decreta plerisque vel eo saltem nomine suspecta fuerunt, quod tanto studio occultata fuerunt & suppressa.

Sed nec illud cuiquam dubium esse potest, ab his ipsis primo loco diligenter curatum fuisse, ut reges Poloniae praedictae Unioni implicarent, eosdemq; cum Domo praecipue Austriaca quam arctissimè conjungerent. Ex qua nimirum conjunctione maximum ad praedicta Executionis promotionem emolumentum sperabatur: Ut quae ad subditos in utroq; Regno magis perterrendos & in ordinem redigendos permultum factura videbatur, quantum vis consiliis illis longè aliud pallium obduceretur.

Harum vero rerum praxis post infelicem illam expeditionem in speciem quasi renovata fuit, ubi nonnullorum studia valde conspicua extiterunt. Eorum videlicet, quos praeter jam dictas

Tridentinae
reformatio-
nis effectus in
ipsis regnis.

Executio
Concilii Tri-
dentini, quo-
modo in Po-
lonia insti-
tuta.
Synodus Pe-
triciensis.

Suecia amissa.

B

causas

causas Suecia amissa invidia urgebat, qua nempe ordinem suum premi sentiebant. Qui propterea omnem lapidem moverunt ut novis Regum amicitias accepti infortunii sensum nonnihil mitigarent.

Veruntamen ut inter vicinaria regna ferè fieri consuevit, Austriacorum studia nostratibus semper suspecta fuerunt, ideoq; pro hac etiam vice ad Agentium illorum consilia promovenda tantum non contulerunt, quantum speratum fuerat. Cum praesertim praeter vulgares illas Regum regnorumq; vicinorum simultates & dissensiones, alia non pauca quotidè intra & extra regnum inciderent, quae huiusmodi conjunctionem Reipub. nostrae minus commodam, ipsis etiam Civibus formidabilem efficerent. Per ejus itaq; attentionem nil amplius effectum fuit, quam ut inveterata suspiciones periculosius recrudescerent.

Quod ipsum etsi iis, qui hac agitabant, non ignotum esset, se tamen adeo non passi sunt impediri, publicamq; indignationem tam securè contempserunt, ut tanto potius confidentius in proposito perrexerint, illudq; tandem per fas & nefas ad exitum conati sint perducere.

Hic ergo molitionum jam antea suspectarum tam importunus fervor, eum tandem eventum sortitus est, ut offensa Nobilitate regnum factionibus mutuaq; dissidentia impletum sit, & Rex ipsemet subditis, subditi vero Regi suspecti esse ceperint. Quam nosti proximam & compendiosissimam esse ad Reipub. dismembrationem & interitum viam. Et hac ratione prius illud Executionis Tridentinae turbataq; Europa medium satis inter nos, ut opinor, efficaciter operatum est.

Ad alterum quod attinet, Popularium nempe obstaculorum remotionem, tu non negabis, opinor, In hoc regno majora & robustiora eis objecta fuisse & adhuc objici, quam in ulla Europæa Natione. Concilium enim Tridentinum inter nos, ut quidem nunc res sunt, ad effectum, quem ipsi cupiunt, perducere nullo modo potest, nisi aut Hispanica Inquisitio, aut quiddam quod Inquisitioni illi aequivaleat, in regnum introducatur. Per quod nempe Polonia ad Hispanismi aliquam similitudinem redacta, praedicta Executioni opportuna reddatur. Patria vero nostra ea corporum animorumq; libertate hactenus utitur, qualem fortissima nationes

Austriaco-
rum studia
Poloniae sus-
pecta.

Tridentini
Concilii execu-
tio circa
libertatis Po-
loniae præju-
diciū perfici
nequit.

nationes & generosissimus quisq; sibi optare poterit. Quis ergo ergo non videt, quam duro collisione hac inter se committi oportuerit? Postquam in primis libertas illa, quatenus animum praecipue & conscientias concernit, non ita dudum per Confederationem publicam denno & quasi extra ordinem confirmata est?

Quamvis autem Hispanicam Inquisitionem nemo nobis haecenus aperte & ex professo conatus sit obtrudere, quod intelligerent hoc citra periculum vix posse tentari: Via tamen ad huiusmodi aliquam imperiosam coerectionem variis artibus paulatim & quasi per cuniculos parata est, sensimque muniri cepit. Eo nimirum adhibito artificio, quo rem citra omnem mutationis sensum Practicantes illi se consecuturos sperabant. Tam cautè tamen & circumspèctè incedere non potuerunt, quodq; agebant, tam probe nunquam potuit dissimulari, ut rerum è diametro pugnantium tamq; asperarum vel levis agitatio non ingentem flammam vel tandem eliceret. De quo ipso, proh dolor, oculorum aspectus hodie testatur.

Hac a me omnia verissimè dici ipsemet optimè nosti, & fatebuntur hoc illi, qui rerum nostratarum aliquam saltem noticiam habent, quiq; actiones nostras Comitiales ab aliquot annis vel è longè spectarunt. Nec dissentientur hoc tibi, qui in partibus adhuc inter nos eatenus haerent, ut & Concilium Tridentinum amplectantur, ejusq; studiosa, per legitima tamen media, executioni faveant.

Adhuc ergo perspicuum est, Reipub. nostra mala non solum ex iisdem causis, quibus reliquorum Europaorum regnorum tumultus, sed etiam ex eodem operationis illorum modo proficisci.

In his igitur tollendis & amovendis opera nostra occupari debet siquidem ordine procedere, Matrisq; nostrae cum aliqua spe salutis opem ferre voluerimus.

Scio tamen quid tu haec dicere possis & haud dubiè disturus sis, Me videlicet hac differendo, Morbum ferè incurabilem ostendere, cum harum rerum studio, Concilii praesertim effectuose Executioni potissima pars Regni implicata sit, ut curatio ipso morbo difficilior, adde & periculosior futura videatur.

Non est de nihilo quod dicis, noviq; egomet multos prudentes viros in eo tibi consentire: Existimo tamen omnia opinione tua

Confederatio publica
Executionis
istius obex.

faciliore fore, si primum inter res ipsas earundemq; abusum, deinde inter personas, à quibus illa tractantur, accuratè distinguatur.

NB.
Austriacæ
familiæ affi-
nitas Poloniæ
per se nec in-
utilis nec in-
honestæ.

Ad res quod attinet, nec Austriacæ Familia, inter Europæas haud dubiè eminentissima, nec quorumcumq; exterorū Regum & Principum cum nostris Regibus legitima & sincera conjunctio per se vel Nos vel Rempub. nostram in minimo laedit: sed eidem potius prasidio & ornamento futura esset, si à Practicantibus illis ad sinistras suspiciones non tam densa nostratibus occasiones præberentur.

NB. Eadem ferè ratio est Concilii Tridentini: Ab hujus enim executione nihil turbatum nobis esset metuumdum, si modo ita institueretur, ut intra legitimum docendi modum consisteret, missisque aliis parum convenientibus practicis eventus Deo committeretur. Non igitur res ista per se, sed earum abusus & perversus tractationis modus Rempub. laedunt, & has in prasentia difficultates nobis pariunt.

NB. Hac itaq; in rebus dissidentia si observetur, inter ipsas etiam personas manifestam nobis discriminis rationem ostendet: Ut nempe non omnes eos, qui prædictis rebus manum quocumq; modo admovent, pro veris calamitatis nostræ autoribus habeamus, ut curationis, de qua dicturus sum, actum ad omnes & singulos extendi oporteat: sed eos tantum qui prædicti abusus præcipuam culpam sustinent.

NB. NB.
cum †.

Iesuitarum
conatus &
fervor omni-
um intra Re-
gnum exce-
ssum prima-
ria causa.

Si quæris, Quinam illi sint? Respondeo, si eorum, quos in hisce rebus periculosa experientia longo tempore erudit, consentiens testimonium admitteret. Si præterea ipsam rerum evidentem inter nos experientiam in consilium adhibere volumus, **JESUITAS & INSTITVTVM JESVITICVM** pro iis nobis necessario esse habendos. Hi inquam, sicut in supradictorum consiliorum executionali praxi primas sibi ubiq; arrogat: Ita alteram ejus, & quidem odiosissimam & nostrarum imprimis rerum respectu perniciosissimam partem extra ordinem sibi suaq; actualitati desumpserunt. In qua agitanda ita hætenus versantur, ut quod in hisce consiliis pessimum est, præcipue arripiant, arreptum pejus efficiant, & vim ejus malitosam per subiectum Reipub. corpus quo jure quæve injuria quasi transadigere & per partes applicare conen-

conentur. Ut sic prorsus sentiam, si uni Iesuita non essent, Nos aut turbas hujusmodi nullas habituros, aut si quæ forte, ut ex consensu reliquarum partium Europæarum, oborta fuissent, eas multo facilius minoriq; periculo consopiri potuisse.

Hoc verò cum illud ipsum sit, de quo inter nos quàm maxime controvertitur, judicii hujus rationes tibi aliquanto accuratius erunt demonstranda. Quod ita faciam ut tibi primum ad oculum demonstrarem: Instituti Iesuitici, si per se consideretur, eam esse rationem, ut libera Reipub. valde inimicum & adversum Libertati vero Polonica imprimis formidandum sit. Deinde vivis aliquot exemplis ostendam, quàm periculose secta hæc statum Politicū hinc inde per Europam turbavit. Tertiò, objectiones nonnullas diluam, quæ sententia huic à contrariis sentientibus ferè opponuntur.

Que tria si à me demonstrata fuerint, quartum quod principaliter intendo, sua sponte sequetur: Iis nempe qui Rempub. restitutam & salvam cupiunt, præcipue operam dandam esse, Ut Iesuitæ & Iesuitismus extra regnum eliminentur, quo sic remotis hisce curationis interturbatoribus certa aliqua & firma pacis stabilienda ratio iniri queat.

Ad primum quod attinet, in eo tria considero: Ipsam Ordinis politiam: Finem ad quem tendit: Operationes sive praxin, per quæ hunc finem conatur assequi.

Politiam si penitus introspeciemus, fatendum nobis erit, eam in hoc genere accuratè dispositam, firmissimam & ad res magnas gerendas aptissimam esse: Ut parti cui se applicaverit, permultum prodesse queat. Generalis dispositio purè Monarchica est, forma nimirum politia, ad movendum & agendum commodissima. Monarchica dispositionis nervi in hisce rebus consistunt: Capite primum uno regitur, deinde hoc ipsum caput uni etiam loco, urbi nimirum Roma alligatum est, ubi perpetuò residere cogitur. Que res sectæ huic inter alia hoc præstat, ut uno certo & uniformi aere perpetuò regatur, & vegetetur, Romani nempe consistorii afflatu, prout nempe is ab iis, qui Roma omnia possunt, afficitur. Disciplina deniq; forma Institutum hoc longè arctissima utitur, qua civis ejus ad cæcæ obedientiam (sic ipsimet loqui consueverunt) astringuntur, in tantum, ut minoribus in nulla Majorum vel

1.
Consilii hujus
præcipua de-
monstratio-
nis capita.
2.
3.

4.

Instituti Ie-
suitici politia

Disciplina
ratio.

absurdissima imperia inquirere liceat: nedum ut aliquis ea de-
tractare ausit. Quae obedientia in Orbem Europaum haecenus
optimos & plane desperata audacia sicarios progenuit: ideoq;
Ordo iste a nonnullis cum Assassinorum instituto comparatur,
quod in Asia olim a Saracenis contra Christianos fuit introdu-
ctum.

Hac ergo formam illam Monarchicam constituunt, consti-
tutam firmissimè constringunt, adeoq; faciunt ut actiones ejus
efficacissimae sint, & ceu cuneus quidam penetrent.

1.
Basis Instituti
Iesuitici.

2.

3.

4.

Illam verò hanc compactionis soliditatem adjuvant, eandemq;
solidiorem efficiunt: Quod primum communitatis hujus basis
per fixam illam Generalis sedem Romana sedi & consistorio, ut
dictum est, quasi affigitur & implantatur. Deinde quod ean-
dem Hispanico Imperio similiter inserunt, dum inter septem
Generales, qui sibi huc usq;, si rectè memini, invicem succe-
runt, neminem elegerunt, qui non vel natione, vel ditione Hyspa-
nus esset, quae res non caret mysterio. Tertio quòd ex tot diversis
Clericorum ordinibus soli ferè Iesuita ab utriusq; Fori ordinaria
jurisdictione exempti sunt: Ut nullum prorsus in Nationibus
nisi sui corporis Superiorem agnoscant, qui plarunq; Italus aut
Hispanus est. Ut sic Ordo Iesuiticus ab omni juris coercitione
solutus inter nos liberrimè versetur, suisq; molitionibus securè in-
cumbat. Quarto quòd etiam in subdelegatis Imperiis haecenus
diligenter cavent, ne in Nationibus Provinciales unquam ex in-
digenis eligant, sed vel Hispanis vel Italis dignitates illas conse-
runt, aut saltem iis qui ex Anglia, Gallia &c. propter facinora
aliqua profugerunt, & propter nimium Hispaniae studium, ex
praedictis Nationibus proscripsi sunt. Seniores verò, Rectores &
his similes inter nos rarissimè ex Nobilium Ordine, sed ex plebe
tantum adoptant. Quod cur fiat, conjectura non est difficilis:
Generosa nempe nobilitatis pectora erga Patriam ita affecta no-
runt, ut suis consiliis & practicis ea minus commoda & opportu-
na statuunt. Interim his rebus fit, ut cum Iesuitismi venter no-
stras ferè sit, quem videlicet nostris opibus explere & suffarcire
cogimur: caput tamen Hispanico & Italico cerebro repletum ha-
beat, ad cuius nempe sensum reliquum corpus movetur.

Hæc igitur ad Monarchicum robur iterum perquam multum
faciunt,

5.
Nobilitas Po-
lonica ad co-
cam Iesuita-
rum obadi-
entiam pa-
rum idonea.
Polonia Ie-
suitismum
nutrit, Hi-
spania & Ita-
lia eodem u-
tuntur.

faciunt, incursum Iesuitici impetum certissimè dirigunt, & secta
huic ad consiliorum suorum executionem invictam planè & pe-
netrantem constantiam præbent.

Porro huic ipsi Imperii Iesuitici forma per subordinatarum di-
gnitatum distinctos gradus variasq; species egregiè contra omnes
Monarchiae incommoditates & vitia prospectum est: Ut si ex hu-
mano sensu iudicetur, ei neq; à tyrannica oppressione, nec seditiosa
dissolutione ullum periculum sit extimescendum. Quod ipsum
etiam prædictæ Sodalitati ad res gerendas miram corporis agilita-
tem conciliat.

Quarum rerum omnium illustre documentum nobis historia
postremi motus Gallia præbet, ubi compertum est: In illa despera-
ta totius Regni perturbatione, ex solo Iesuitarum Ordine Nemi-
nem, ac ne unum quidem Iesuiticum Individuum fuisse, qui Rei-
pub. partes secutus esset: Cum contra ex omnibus aliis Clericorum
ordinibus permulti Regias Reique publicae partes fideliter tueren-
tur. Hispano autem hi ipsi Iesuita tam pertinaciter adhaeserunt,
itaq; ferè vide studuerunt, ut factioni ejus pro anima aut potius pro
corde fuerint: De quo vulgo dicunt, quod in corporis humani
structura sit primum vivens & ultimum moriens. Prædicta sanè
factio prius opprimi non potuit aut eradicari, quam Iesuita regno
exigerentur. Quod fidele & perdurans robur Instituto huic in
tam variegata hominum colluvie nil aliud præstat, quam ea quae
haecenus de Poltia forma diximus.

Num verò hæc talia sint, à quibus sibi Respub. Polona metuere
debeat, tibi cogitandum relinquo. Ego interim Factionem Ie-
suiticam inter nos non aliter aestimo, quam agilem quendam &
acutum gladium, cuius lamina quidem in vaginam Polonicam
recondita sit, sed ita ut capulum Romana Aula & Hispanus ma-
nibus teneant, & sic eum ad nutum suum vibrent. Id quod In-
stituto hujus proprius finis aliquanto clarius docebit.

Hic autem & ipse quiddam singulare & ab omnibus aliis Finis Instituti
Monachorum ordinibus diversum habet. Omnes enim aliorum Iesuitici,
Religiosorum Ordines in hunc finem ut plurimum inventi & ap-
probati sunt, & eò tendunt, ut popularis devotio per eos augeatur.
Religio Romano-Catholica magis splendeat & Ordinis spiritua-
lium potentia dilatentur, &c.

Iesuita

NB.

Iesuitismus
cor Factionis
Hispanicae in
Gallia.

NB.

Finis Instituti
Iesuitici.

Jesuita verò etsi hisce rebus & ipsi pro virili studeant, sui tamen principalis finis longè sublimiorem scopum sibi præfixum habent. Qui nempe est, Vt Romana Ecclesia sive Imperii Ecclesiastici collapsam auctoritatem, non solum recuperent, in quo studio reliquos clericos commilitones habent: sed ut subjectum præcipuè Europa Orbem ita corrigant & reformat, ut hujusmodi insultus, quos res Romana hæctenus est perpessa, in longum præcaueant: sublatis & quasi obstructis omnibus occasionibus, per quas antehac Hæreticis ad eandem oppugnandam aditus præbitus fuit.

Quas occasiones norunt non aliunde densius emerisse, quam ex subditorum in hisce septentrionalibus regnis, nimia, ut quidem Roma semper visa est, libertate, illisq; barbaris legibus, quibus hæctenus ita firmatur, ut Inquisitionis Hispanica intentatum jugum constanter repellat.

Horum igitur remotio & annihilatio Jesuitis per quartum illud & sectæ huic proprium votum extra ordinem injuncta est. In hunc finem tot extraordinariis privilegiis, bullis & Indultis instructi & muniti sunt, ut non solum agendi facultate reliquo clero universo præpollent: sed jam ipsis Episcopis & superiorum Prælatorum ordini graves & formidabiles esse incipiant. Nec ego dubito quin gens Jesuitica aliquando Romana Ecclesia horrendi schismatis occasionem præbitura sit. Interea in his ipsis rebus specificæ differentia consistit Jesuitismi, per quam à reliquo clero discernitur, ejusdemque genus quasi transcendit.

Cum verò hoc ipsi constanter negare consueverint, vivo illud exemplo tibi demonstrandum est. Inter Venetos & Pontificem hoc maxime tempore controversia intercedit super quadam Ducatus Ferrariensis particula, quam Veneti, ut audio, ante annos 130. aperto bello sibi acquisiverunt: Itemq; super constitutionibus quibusdam, quarum renovandarum occasionem Magistratui Veneto præbuerunt Jesuitarum artes testamentaria. Pontifex autem eas in fraudem Ecclesiæ factas conqueritur.

Veneti hoc nomine à Pontifice compellati jure suo cedere nolunt, sed palam præferunt, sibi in sua ditione supremam jurisdictionem, & sic etiam legum ferendarum potestatem, non autem Pontifici competere &c. Quo animadverso Pontifex Excommunicationis fulmi. eos territat. Senatus hoc cognito Clerum

Molitionum
Jesuitarum
in hisce regio-
nibus præci-
pua impedi-
menta.

Jesuitismi
specificus
character.

Venetorum
cum Ponti-
fice contro-
versia.

suum convocat, jus Reipub. eidem exponit, Pontificiaq; Excommunicationis iniquitatem demonstrat, eos deniq; pro auctoritate hortatur, ut curato officio Excommunicationem pro nulla habeant, &c. Quid sit? Antiquus clerus unanimi consensu Reipub. causam contra Pontificem probat & de fide sua prolixè pollicetur: Recentiores verò Religiosi, quorum nempe regula presentis temporis conditioni accommodata sunt, Ducibus Jesuitis Reipub. causam damnant, stationemq; suam deserunt. Quamvis Jesuita Magistratus edicto nominatim expulsi & in æternum relegati perhibeantur.

Hoc autem Jesuita non aliam ob causam fecerunt, quam quòd viderent, se stante & defensa Reipub. Veneta libertate stantibusq; legibus nec stare nec instituti sui finem obtinere posse. Quod ipsum sane discrimen illud, quod inter Jesuitas & quoscunq; alios Clericos constituimus, satis evidenter probat & confirmat. Tu ergo nunc, mi Frater, cogita, quid de Polonia nostra futurum sit, si inter nos omnia illa removeri debeant, ut profecto illa remota cupiunt, per qua in finis istius adeptione impediuntur? Adhuc de Fine.

Videamus nunc Media sive praxin, per quam ad scopum illum perrumpere conantur, & hac ex iis, que jam dicta sunt, facile intelliguntur. Hoc nimirum conjuncta opera fervidissime agunt, ut primum Reges Europæos, quotquot possunt uni cuiusdam Fœderi illigent: Cujus Fœderis principem & directorem constituunt Hispaniarum regem, Aurei istius velleris possessorem & custodem. Ad cuius videlicet nutum reliqui se applicare cogantur, sub hac conditione, ut qui conatibus ejus quacunque ratione intercedit aut quam minimum adversatur, de hæresi suspectus sit, & prædicti velleris periscelide indignus censeatur. Sed regnorum septentrionalium ea ferè est ratio, ut ad Legum præscriptum, non autem ad absolutum Regum arbitrium regantur. Ideoq; regiarum Personarum confœderatio parum illis prodesse poterit, nisi etiam subjecta regibus regna in eandem Unionis massam concludant. Atqui hoc opus hic labor est: Cum heic eis infinita, ut jam dictum est, difficultates objiciantur, quocirca etiam opera illorum heic præcipuè enites & omnium maxime conspicua est. Sic autem res suas hoc loco disponunt:

C

Primum

Praxis Jesui-
tica.

1.
Accipiter Iesuiticus non nisi in Aula- rum pinnis nidificat.

2.

Primum omnium hoc sedulo curant, ut in Aulis se insinuent. Hunc enim nidum hoc genus accipitrum sibi ubiq; prastruere in- que eodem ova sua deponere solet, priusquam ad venatum evo- lent. Iesuita etiam ibi peregrinus sibi & exul, immò capite di- minutus videretur, ubi ab Aula arceretur. Fixo heic pede, ulterius operam dant, ut clavum Reipub. in suam potestatem re- digant, id est, ut vel Regi, Reginae ex suo corpore Confessarium, vel saltem Heredi regio Praeceptorem dent. Aut si hac non sem- per succedit, illis dominantur, quorum in Reipub. administratione praepua partes sunt & vires. Utq; horum affectus, cupiditates & designationes penitissimè cognita & perspecta habeant: qua vide- licet esca unusquisq; allicendus & captandus sit. Ad hoc autem feliciter perficiendum Romana Aula, quicquid auctoritate, quic- quid opibus, quicquid artibus & consilio valet & potest, Genti huic liberalissimè, ut jam dictum est, indulget. Adeo ut Iesui- tarum commendationes Remae ad consequendas dignitates & pra- bendas plus valeant, quam potentissimorū Regum intercessiones.

Quae unica res, si caetera abessent, ad corrumpendas omnes, OMNES dico, Europa aulas, abunde sufficeret, sicut eventus prob- dolor testatur. Quamvis hoc etiam tibi advertendum est, Genio Iesuitico extra hoc quandam a natura occultam vim inesse, qua Ingeniis aulicis imperat & dominatur.

Ut autem de occultioribus Gentis huius artibus, quas in prae- dictis politiarum officinis exercent, nil dicam: Duo sibi ibidem po- tissimum paciscuntur, Primum ut ipsorum mellificatio ex hac Reipub. Arce non impediatur, Utq; deinceps adversariis suis nullus eò refugium pateat, illorumq; querela, si quas eò deferent, vel prorsus negligantur, vel quoquo modo eludantur. De his duo- bus quamprimum Iesuita cautum est, ipse deinceps sibi ad reliqua perficienda sufficit.

Constructo & firmato hoc nido, pabulatores suos quaqua ver- sum emittunt, suamq; venationem hac ferè ratione instituunt: Primum operam dant, ut in primariis Regni aut Provincia Vr- bibus Seminaria, collegia, templa quam plurima, tanquā instan- tis Messis suae horrea, exstruant. Per hoc autem duo consequun- tur, quae eis ad finem suū, de quo diximus, valde proficua existunt: Regnum primum universum his ceu unguibus apprehendunt, &

ita

Iesuitarum in Aulis postu- lara.

3.
Iesuitarum venatus.

ita constringunt, ut ad suum nutum illud, quoties res ita postulat, cum singulis partibus circumagere queant. Quod ut facilius con- sequantur, seminaria sua in praedictis urbibus, ita plerūq; con- struunt, ut suis aedificiis ipsa urbium moenia complectantur, ea- demq; sibi noctu diuque pervia faciant. Ut in arcibus, quas Cra- covia, Vilna, Calissii, Poshania &c. habent, videre licet.

Nec ego Gentis nostrae supinam negligentiam & incuriam sa- tis heic admirari, aut pro rei indignitate sufficienter deestari pos- sum: Quod ad huiusmodi periculosa & Reipub. praediciales substructiones non solum connivimus: sed ad easdem materiem ceu propriis manibus congesimus. Cum sic existimem, si Rex ali- quis tale quid machinaretur, universam Remp. contra eum in- surrecturam. Et his exterorum Venatorum indagatoribus in nostris nemoribus tantum licet?

Deinde eadem opera juventutem nostram, spem posteritatis, ad suum cerebrum, dispositis & recoctis animis, regnunt, & sic inter nos Novi & Iesuitici Mundi sementem faciunt. Dum autem intra Regni urbes hoc ita agunt, qui ad haec donis idoneis sunt instructi, reliqui concionibus popularibus & audiendarum confessionum operosissimo simul & questuosissimo artificio pro vi- rili student. Quarum artium effectus iterum duplex est: Plebem enim primariam, ut ille loquitur, hac ratione paulatim suam faciunt, factioniq; vires adjiciunt. Provisoribus deinceps qui Camera sive Arario praesunt, viam ubique muniunt, ut in o- mnia publica & privata bona aditus eis pateat.

Et heic mihi latissima sermonis valva se aperiret, si aucupia illorum, quibus illi homines, Mulierculas praesertim, circumve- niunt, explicare vellem. Cum vero instituti & occupationum mearum ratio mihi habenda sit: illud saltem praeterire nolo, in quo etiam secta huius à reliquis Religiosorum ordinibus differen- tia aliqua perspicitur. Quod nempe Iesuita vulgaria illa munu- scula, quae vulgò in Religiosos erogari consueverunt, non curant, nec ea capiunt: Quod hoc eis sordidum & reliquo Ordinis splen- dori minus conveniens videatur. Aquila enim currucam non captat. Et ipsi aliàs, ut exercitati Practici, bene norunt, Pecuni- am in loco negligere maximum interdum lucrum esse. Noviq; egomet simulationem hanc aliquando eò usq; processisse, ut obla- tum 50. aureorum Vngaricorum precium repudiarint.

NB.

Polonorum in fovendis Iesuitis praecipuum pec- catum.

4.

Iesuitae saga- ces aucupes.

Propter pas- serem rete non attra- hunt.

Hominum verò opulentorum testamentaria legata, & cum his integra prœdia adeo non fastidiunt, ut eo potius fraudum exquisitissimarum artificio illa aucupentur, ut Polonia, in hac etiam publica morum corruptione, vix quicquam simile exportata sit. Hinc ergo istis pecunia neglectoribus, qui suam gratuitam operam nobis tam officiosè deferunt, illi regales inter nos Proventus, quos cum reliquis suis arcanis in Majore Polonia Calissi, in Minore Cracovia, in Russia Lublini, Vilna in Lithuania, Poltovi in Masovia, & Braunsberge in Borussia deponere & custodire dicuntur. Hac inquam imperii Jesuitici inter nos araria publica sunt & Chartophylacia. qua si hoc tempore excuti deberent, Poloniam haud dubiè de status sui qualitate rectius instruetura essent, quàm tot hæcenus tumultuosa scrutinia prestare potuerunt. Et hæc de Praxi Jesuitica.

Hac itaq; de primo designationis meae capite, de politia nimirum Instituti Jesuitici protuâ instructione sufficiant. Tuum nunc erit cogitare, num is fallatur, qui Jesuitas Polonis, Reique eorum publica vehementer formidandos & sedulo cavendos censet. De narrationis autem meae veritate novitibi melius, quàm mihi ipsi constare.

Supereft nunc, ut qua in genere de gentis natura & moribus propofita sunt, per particularia exempla comprobentur, adeoq; demonstretur, quàm periculosa harum rerum praxi Ordini Politico fuerit, quod secundum erat propofitionis meae caput. Hoc ipsam verò per domestica & nostra experientia documenta satis copiosè explicari posset & demonstrari: spero tamen in exterorum historia rem magis conspicuam fore, quod illorum casus extra factionum affectus positi, & sic ad instruendû aptiores sint. Ideoque exemplis immorabor.

Inter plurima verò documenta, vix quicquam illustrius est eo, quod historia ultimi tumultus Gallia suppeditat: Ex quo nempe perspicitur, quantum Jesuitismi genus contra statum regium ad ejusq; everfionem possit. Res sic habet: Regni Gallie ea est conditio, ut à prudentia politica studiosis ferè pro optima politia norma allegetur. Et quamvis in eo nobis cum ipsis non per omnia conveniat, certum tamen est, eam firmissimam esse: Siquidem ad absoluta Monarchia formam quam proximè accedit:

dit: Contra tyrannidem tamen & seditionem iis legibus, ea Parliamentorum autoritate, illa demum sanguinis regii reverentia corroboratum & firmatum est, ut his solis rebus hæcenus in vitium perstiterit.

Et quantum ad sanguinis regii observantiam attinet, Galli vulgò aliquid præ reliquis Nationibus in hoc affectu putantur habere. Illorum sanè regia familia vetustior est quam ulla Europæa. Contra hanc tamen firmissimam, ut Henrico 3. haud dubiè videbatur, Arcem, Jesuitica impressionis cuneus tantum valuit, ut quod in Gallis hæcenus inauditum erat, Rege in ordinem redacto, Familia regia autoritatem ita penitus prostraverint, ut & Personam regiam neci dediderint, & infensissimè à Gallis nationi ad invadendum regnum viam longè lateq; complanaverint. Et nisi peculiari & penè miraculosa Dei providentia conatibus eorum tam evidenter obstitisset, rem eo deducturi videbantur, ut Galli prodita regia familia, qua inter eos per annos plus quàm 600. jam altas radices egit, ut omnes ferè principes familias complexa sit, Gallici nominis perpetuum hostem & anulum sibi Regem assciissent. Idq; sanè multo majori miraculo, quàm si nobis antehac Demetrium suum Moscoviticum obtrussissent.

Hæc autem ut magis perspicuum fiat, quomodo Instituti istius genus erga statum Politicum sit affectus, ex tot illorum molitionibus, quibus Henricum illum subverterunt, unum saltem, sed valde insignè illorum stratagema hæc producere, cujus hæc est ratio:

Sub initium prædicti tumultus, quaestio illa in Gallis agitari cepit, Num pontifex R. Gallie populum, à fidelitatis jramento, quo Regi suo obligatur, in casu hæreseos absolvere possit? Ex hac oriebatur aliera huic admodum affinis. Num cuilibet privato liceat Tyrannum propria autoritate occidere? Intelligis, opinor, quantum Regis statusq; regii & universæ Reipub. in horum problematum decisione interfit. Et quid putas Apostolos dicturos fuisse, quando Hierosolymis primum Concilium sub præsidio Spiritus sancti celebrabant, si Religiosus aliquis cum hujusmodi quaestione coram eis apparuisset. Neque tamen in Gallis controversia ista nova erant. Ad priorem enim ventilandam Pontificum olim cum Gallie regibus perpetua litigia perennem materiam suppeditaverant.

Iesuitarum
araria,

Praxis Iesuitica
Ordini
præcipuè Po-
litico fatalis.

Virtutis Ie-
suiticæ illu-
stre specimen
in Gallis.

NB.

Quæstiones
in Gallis à
Iesuitis motæ
decisæ.

Iohannes
Pratus.

Posterior verò ante annos plus minus 200. post eadem nempo Ludovici Aureliani in Sorbonistarum collegio publicè agitata & solenniter decisa erat. Viraq; semper constantissimè fuit negata, adè ut posterioris assertio & assertor Iohannes Pratus, ni fallor, in Concilio etiam Constantiensi ex aquo damnati fuerint.

Pro hac autem vice eadem quæstiones Galliam ad eum modum immutatam invenerunt, ut bona pars Cleri & cum his totus Iesuitarum ordo utriusq; assertionem probaverint, revocata & annihilata Majorum suorum perpetua sententia: non aliter quàm si novus interea Mundus successisset.

Iesuitarum in
disponendis
animis pecu-
liare artifi-
cium.

Huius verò immutationis Iesuitas præcipuos autores extitisse, ipsa Sorbona post res sedatas publicè professæ est: Et Iesuita idem non obscure agnoscunt, dum inter causas, propter quas olim Pontificia excommunicatio contra Gallia reges minus efficax fuerit, hanc nominatim exprimunt, Quòd Gallorum animi tum non sufficienter dispositi fuerint. Hoc est, quòd tam acres seditio- num concitatores non habebant, quales hodie Iesuitici concionatores sunt & Confessarii.

Hæc igitur Iesuitarum decisio (non tamen absq; Deo) Henrico necem attulit, & contra Parricidam absolvit, eumq; Ehu- do isti Israëlitarum liberatori equiparavit. Quale nihil in ulla Christiani Orbis parte, inde à religionis incunabulis auditum, scriptumve est aut lectum.

Tyrannus
quis secu-
dum Iesuitas.

Vbi tu tamen, ut rei indignitatem melius perspicias, notare debes, Sectam hanc Tyranni, ejus nempe, quem ab unoquoq; privato impune occidi posse contendunt, definitionem sibi suaq; dis- cretioni reservasse. Secundum quam is nobis pro huiusmodi mactationis pecude habendus est, qui quacunq; ratione in Ro- mani Pontificis indignationem incidit, & ex Iesuitarum sensu excommunicatur. Id quod ideo heic addendum fuit, quod in alterius quæstionis formatione ab ipsis insidiosè additur, In casu hæreseos, ut hoc nempe fuco perfidiam suam in supremum Magistratum increpant. Cum constet Hæreticos illis esse, non qui pravas in religione opiniones sectantur: sed qui Iesuitarum artes quocunq; modo impediunt, aut ipsis non per omnia obse- quantur.

Sicut vel ex Venetorum exemplo intelligere possumus, quos
hæc

hæc secta per universam Italiam pro pestilentissimis Hæreticis proclamare dicitur, ideo saltem, quòd latis, seu potius, renovatis legibus Iesuitarum cupiditati frenum injecerunt, & quòd forte etiam (de quo mihi constat) Inquisitoria potestatis libidinem in- tra nimis arctos carceres concluderunt.

De Henrico verò certum est, eum, dum vixit, nullius uspiam erroris ab ullo Catholicorum insimulatum esse. Constat etiam eum in Catholico-Romana communionem usq; ad extremum perstitisse. Furoris autem, quo eum persecuti sunt, hæc vera causa fuit: Quòd sceptrum regium non ei tradere volebat, quem sibi hi Socii, tanquam idoneum molitionum suarum administrum, Gallia Regem destinaverant.

Henrici 3.
hæresis.

Tu ergo nunc iterum vide, Annon per hoc Iesuitarum decre- tum omnium Europæorum Regum & quorumcunq; Magistratuum Politicorum mors & vita ab arbitrii Iesuitici horoscopo sus- pendatur? Vt si hic illis dextrè ascendat, ipsi vivant & valeant, sin minus, pereant? Qua de re predicta Venetorum calamitas, Regis Britania perpetua pericula, & illorum omnium metus, qui hunc Ordinem sibi infestum sentiunt, abunde testantur. Venetorum tamen exemplum præcipuè conspicuum est, quòd Respub. illa, ut dixi, Romano-Catholicam religionem hæctenus, tan- quam Imperii sui Palladium, accuratè observet & acerrimè tueatur.

Magistratuum
pericula.

Quæ exempla quoties expendo, toties exhorresco, cum videam quam facile sub presenti rerum statu inter nos simile quiddam in alterutram partem accidere possit, postquam imprimis Gentis Ie- suitica ad huiusmodi aliquem effectum tam pertinaces & fervidi conatus ab aliquot jam annis inter nos deprehenduntur.

Sed heic fortassis dicere voles, Inter nos nihil ab hac parte esse periculi, quòd Iesuitis cum Regi nostro probè conveniat, & Sc. Mallem te dicere posse, Regi nostro cum Regni ordinibus & his cum regia Majestate probè convenire. Hoc enim ad Reipub. sala- tem aliquanto utilius, & ad securitatem nostram firmitus & effi- caciùs esset. Nunc autem hoc abs te verè dici agnosco, neq; tamen hoc ipsum sollicitudinis meæ causam tollit, sed eandè potius auget. Ecquis enim cerò dicere poterit, quòd hoc Regi nostro perpetuum futurum sit, ut Iesuitis tam propitiis utatur? Quid si is ali-

Regis vita &
quæ ab hac
pender Regni
fortuna Ie-
suitarum af-
fectui obno-
xia.

quando

quando deprehensis illorum artibus, à quibus eum hæcenus plarique nequiter circumventum existimant, animum mutet, & potiore Reipub. respectum habere incipiat, ecquid tum eum sperare jubebimus? Annon tempus fuit in Gallis, quo Henricum 3. ex Polonia redeuntem Natio hac eo applausu excoipiebat, ut laudum ejus praconio exsatiari nequirent, disibitantes: Huic uni Individuo omnes Constantinos & Carolos Magnos, omnes Ludovicos &c. inclusos esse. Hunc fortissimum, felicissimum, Christianissimum & invictissimum Christi athletam, Ecclesiae Catholicæ protectorem, Hæreticorum malleum & pavorem à Deo Galliis provisum? Quid verò hac omnia eum tandem juverunt? Cum hic projecta assentationis affectus paullo post ita prorsus in contrarium mutatus sit, ut eum non solum occidi curaverint, sed occisi cadaver, quantum in ipsis fuit, sepultura prohibuerint: Ipsumque Parricidam in Divorum Catalogum retulerint.

Sed esto, inter nos tale nihil metuendum sit in presentia, quis verò noverit, qualis in posterum Regum rerumq. nostratum status sit futurus? Nostrane itaq. Matri ita consulemus, ut tam ambigua fructificationis semen scientes intra Reipub. viscera retineamus, tanta cura foveamus & ad posteros propagemus? Quis, inquam, sanus nobis suadebit ut fortunas nostras tam ambigui eventus alea committamus? Vt nempe Respub. non diutius salva sit, quam quousq. Regi Reive publica cum Jesuitis probe convenit? Vt tunc demum nobis securis esse liceat, quando nihil inter nos est, quod secta huic offensionis causam prabere possit?

Dixi quanta vis sit aculei Jesuitici contra Reges statumq. regium, quoties hunc molitionibus suis obstare intelligunt. Heic autem te notare velim, ejusdem pestis non minorem efficaciam esse in oppugnanda & expugnanda Reipub. atterendis legibus, quoties nempe sentiunt, se ab his in instituta sua venatione impediri. Et quod ad Leges attinet, ha politica tinea illas precipue arrodere consueverunt & exedere, quibus jus successionis in regno continetur, libertasq. & pax publica firmatur.

Qualem in Galliis precipue invenerunt legem illam Salicam, Matriculam & fundamentum illius Regni, per quam stirpis regia mascula proles, exclusis femellis, ad regnum sola admittitur.

Cujus

Jesuitismi
genius ipsis
Legibus in-
festus.

Lex Salica in
Galliis.

Cujus legis vigore successio Regni post interfectum Henricum 3. ad Henricum 4. Regem tum Navarra devolvebatur. Quod ipsum cum secta Jesuitica suum interitum interpretaretur, tantum efficere potuit, ut Galli hoc Reipub. sua fundamentum ipsimet subruere conarentur, asscita contra hanc legem Philippi II. Hispaniarum Regis filia, quam ex Henrici 2. Galliarum regis filia susceperat, in regni sui heredem. Operis totius promotoribus & internuntiis Jesuitis. Quod autem Galliis Lex Salica prestat, hoc Polonia adhuc Regum juramenta conferunt, per qua hæcenus Reipub. libera electionis jus conservatur. Quam periculose verò hoc etiam libertatis nostra fulcimentum ab hisce tinea arrosam sit, egomet dicere nolo, nec publicum dedecus ipsemet divulgabo. Eiusdem virtutis illustre specimen coram oculis nostris in vicina Hungaria, Austria, Styria, Carinthia &c. ediderunt. Eo nimirum successu, ut obtritis legibus, quibus predictarum nationum & provinciarum libertas nitebatur, partem earum penitus oppresserint, partem ad extremam desperationem adegerint. Hoc quidem rumor publicus hæcenus constanter affirmat, in predictis Provinciis alicubi illustribus & antiquissima nobilitatis familiis publice diem dictum esse, intra quem se aut coram Jesuitarum tribunali sistant, aut relictis patriis sedibus alio migrent: qua res factori isti male vertat.

Heic ergo jam, mi frater, quaro, si forte res in eum casum deveniat, ut regiam Majestatem Jesuita inter nos vel nunc vel posteris temporibus ita colant, ut eandem contra Rempub. contra leges & libertates nostras incidant: Vt quando hæcenus coram moderna Regia Majestate, Pacem religionis, unicum illud furoris Jesuitici repagulum, ita traducunt, ut eam Tartaricam & Mahomedicam perfidiam nuncupent, quam Regia Majestas citra eterne salutis sua jacturam nec approbare possit, nedum ut eandem tueri debeat &c. quam inquam tu mihi spem facies?

Novi tamen quid etiam heic nonnulli excipiant, Non esse videlicet tantopere admirandum, si Confederatio illa fortassis non omnibus probetur, sub qua nimirum tot abominanda secta quotannis inter nos suppullulent, &c. Age itaq. cedamus eis (quod tamen citra Reipub. prejudicium fiat) hoc jure, quid verò ad il-

D lud

Homines nobiles sedibus pelluntur, quod Jesuitis geniculat nolint.

Pacem religionis Jesuitæ ut canes lapidem projectum admordent.

P. Scarga
cum Rege
expostulatio.

lud mihi respondebunt, quod in proximis Comitibus Varavia Dominica Misericordias Domini anno 1606. ex P. Scarga ore audivimus, quando is converso sermone ad Regem sic eum alloquebatur: Eheu Rex, quorsum jam nobis res, tua intempestiva conniventia reciderunt? Reges olim Poloniæ de rebus ad Rempub. spectantibus cum solis Senatoribus deliberabant. Nunciorum istorum terrestrium, quos vocant, nullæ in hisce rebus partes erant, ut qui nō ita dudum introducti sint. Nunc verò tua & quorundam Majorum tuorū socordia res eò, pro dolor, deducta est. ut quàm primum feroculus aliquis Domicellus, qui se pro Nuncio forte terrestri gerit, votum suum proponit, omnes ei protinus assurgere cogantur &c. Tuum, tuum erat, o Rex, hujusmodi perverfas, quæ contra antiquos mores inoleverunt, consuetudines cohibere &c. Vbi etiam manibus ceu nutu indicavit, quid fieri velit, Summa nimirum papavera demetienda esse.

Hunc igitur Tubicinis istius aulici tenorem si reliqui tribulus ita persequerentur, ut ad istorum consiliorum executionem operam & vires suas Regi aliquando in auxilium offerant, ecquid de nobis deque nostra illa hætenus illibata libertate futurum censet?

Disputatur hodie inter nos de modo potestatis regia, itemq; de Reipub. in Rebus ad regni salutem spectantibus autoritate. De hac autem controversia quid Iesuita sentiant non est obscurum. Regi nempe regiaq; Majestati, quandiu in conatibus ipsorum promovendis constanter pergit, tantum adjectum cupient, quantum Henrico 3. olim & ejusdem successori Henrico 4. propter oppositam rationem detraxerunt. Quomodo verò vice versa in Rempub. animati sint, P. Scarga jam nos docuit, & tu nos adhuc dormire velles?

Hac igitur etsi palam inter nos practicentur ita ut animi affectus citra ruborem ipsimet in publicum prodant, sunt tamen qui Iesuitarum inter nos patrocinium suscipiant, & omnia sedulo cōquirant, quibus hac sub aliqua probabilitatis specie vel prorsus negari vel saltē palliari & excusari quocumq; modo posse cōfidunt.

His igitur deinceps nonnulla respondenda sunt: nam hoc tertium nobis designationis nostra caput constitutū fuisse meministi.

Qui itaq; Iesuitas omnium fervidissime propugnant, primo loco

Iesuitarum
æquicia suos
ubique ap-
plausores in-
venit.

toco Catholicam religionem allegare consueverunt, à cuius interitu sibi metuunt, si in Iesuitas gravius aliquid deberet statui. Estq; hic defensionis Iesuitica longe splendidissimus & maxime plausibilis prætextus, ad quem amplificandū congeruntur Ordinis istius res gesta, Barbarorum nimirum infidelium sub utroq; Mundi axe, sicut & Hereticorum in hisce partibus plurimorum felicissima cōversio. Quibus hodie inter nos adduntur divini illi & miraculosi gentis illius successus in Moscovia, & augusta spes, quam ex illo tractu & nobis & Romana Ecclesia ostentant &c.

Ad hæc igitur quid dicemus? Hac nempe, Primò heic admittari cogor, quibus rationibus sibi persuaderi patiantur, Catholicam religionē citra Iesuitarum operam in Polonia consistere non posse, si qui credunt, Romano-Catholicam religionem, qualis illa nunc est, paullo minus quam mille quingentos annos per Orbem durasse, antequam Ignatius Loyola in terris natus est: Ita videlicet ut in nostra etiā Polonia tot centenos annos egregie floruerit? Deinde dico, Christum & Apostolos inde ab initio non solum religionis propagationi, sed etiam æterna ejus conservationi per sufficientiam mediæ abunde prospexisse. Vt Ecclesia quàm diu in veritatis tramite simpliciter incedit, nullis novis & extraordinariis Mediis opus sit. Hi autem non Iesuitas, quod quidem ego sciam, sed Episcopos, Presbyteros, Doctores, Pastores, Diaconos, &c. ordinârunt: Istorum verò officiorum cum non solum nomina, sed etiā persona inter nos supersint, quibus illorū cura demandata est, quis dubitet, quin hi, dummodo officium faciant, religionem recte sint curaturi, ut maxime Iesuita in Polonia nulli sint? Tertio ulterius sic dico, Religionis curam & propagationem Iesuitica designationis minimā partem esse: quam nimirum ipsi amplius non curant, quàm quatenus prætextus illius eis ad principalem Institutioni sui finem, de quo dictū est, viam munit. Id quod vel hinc apparet, quod inter eos partes docendi in Ecclesiâ inferioribus fere committuntur, ut primicerii hujus ordinis & qui ingenio præstant, illis, quas diximus, sublimioribus artibus in Aulis liberius vacare queant. Quarto experientia testatur, quod etiam virorum doctissimorū, quos vel Iesuita ipsi pro Catholicis coguntur agnoscere, calculo confirmatur, Iesuitas religioni Romano-Catholica intra Europam magis obstatisse, quàm ut eandem promoverint. De quo

Religionis
Romano-
Catholicæ
conservatio
& propaga-
tio.

Qui putant
Religionem
citra Iesuita-
rum operam
consistere
non posse,
ordinarium
Clerum pu-
denda igna-
viæ arguunt.
Iesuitæ reli-
gionis præ-
textu pro il-
lice utuntur.

aliquot inter nos praestantissimorum virorum, ex ipso etiam Ecclesiastico Ordine, querimonias me non semel audire memini.

Hoc ipsum vero cum multis profus incredibile videatur, his illud rationibus ulterius declaro: Ad experientiam quod attinet, negari non potest, solius Iesuitica bilis praeservida aestui imputandum esse, quod Romano-Catholica religio hodie in amplissimo Britanniae majoris regno tanto studio premitur & opprimitur, ut nunc etiam post exactos Iesuitas, Sacerdotum secularium usque penitus priventur, & sic Regis clementissimi beneficio gaudere nequeant. Eandem calamitatem Catholici ante annos non adeo multos in Scotia Iesuitarum culpa perpeffi sunt. Cum enim illorum nonnulli in Regno illo Conjuratiōis cuiusdam, quae contra Regem Scotiae in Hispania à P. Crichtonio Iesuita instituta erat, tabulas hinc inde inter Catholicos clanculum circumferrent, quibus illi subscribere debebant: Re prodita, Ex primaria Scotiae nobilitate cōplures, qui haecenus cen columna religioni Romano-Catholica in praedicto Regno fuerant, extremum vita fortunarumque omnium discrimen adierunt. Sed & reliqui Catholici omnes cum ipsa religione, cui Rex antehac non admodum adversari videbatur, in iustissimum Regis odium incurrerunt: Ea ratione, ut in hunc usque diem miseri illi facinoris Iesuitici poenas luere cogantur. Et quid aliud Hungaros & Transylvanos non ita dudum ad eum modum exacerbavit, ut unā cum Iesuitis omnes Catholicos sacerdotes, quos nancisci potuerunt, malè tractatos ex finibus suis expulerint, quam importunus ille Iesuitarum fervor? Dum hi supremi Magistratus auctoritate & favore freti, praedictarum Provinciarum reliquas libertates tanto impetu invadunt, ut incolae, qui haecenus omnia pertulerant, has vitimas Iesuitarum injurias perferre nequiverint, & extrema potius remedia arripuerint: Ad quod eos haud dubiè vicinarum Provinciarum perspēta calamitas animabat. Nec ego dubito quin inter nos etiam rebus turbatis Catholicae religioni magnum aliquod infortunium constaturi sint, siquidem diutius inter nos conversari debeant. Cujus rei cum inter nos tum alibi haec abundantissima causa est, quod hic livor illa, quae nobis tantopere commendatur, docendi facultate non contentus, machinationibus suis publicam Magistratus auctoritatem praetendit. *Quae*

res ut

Calamitatis
Catholicorum
in Anglia
immediati
autores Ie-
suitarum.

res ut forte plebeculam territat, ita cordatiores quosque vehementer offendit, studia eorum suspecta facit, & quod iniquissimum est, Magistratum, sicut & ipsum Clerum, publico odio exponit, ejusdemque auctoritatem subditis contemptibilem reddit. Hac igitur Catholica religio damna si cum profectibus comparentur, quos Iesuita intra Europam in ejusdem propagatione fecerunt, tantum fortassis vix superfuturum est, ut gloriabunda illorum jactantia respondeat.

Veruntamen ut hujus etiam infortunii culpam eis condonamus, si doctrinam Iesuiticam per se & extra hos excessus aestimemus, in eadem nihil, quod tanto praconio dignum sit, deprehendatur. Religio enim vel voce, vel honesta vita conversatione vel scriptis propagatur & defenditur. Vacis ministerium Conciones & audiendarum confessionum artificium comprehendit. In Concionibus Iesuita ut plurimum subtiles, disertis & in concitandis affectibus acres, vehementes & impetuosos esse consueverunt: ut imbecilles & incautos animos movere & percellere possint. Hasce autem qualescungue dotes, quae in sincera pietatis schola non perinde aestimanda sunt, corrumpit & cordatioribus suspectas facit, primum Elocutionis sive actionis (hanc quidam hypocrisis vocari dicunt) gesticulatoria levitas, nimiumque suavandi sermonis studium, & qui sub hoc praelucet, ardentissime ambitionis affectus. Quorum utrumque, nescio quid non Apostolicum sapit. Deinde deformat eas ista inexhausta calumniandi & convitiandi libido, quae plerumque in adversarios debachantur. Idque tantum ut plebis animos incendat & exasperent: Cum interim adversarios, quos lucrari debebant, magis indurent. Me quidem haec ita offendunt, ut vilissimi pagi parochum interdum concionantem audire malim, quam qui in universa Polonia inveniri queat, disertissimum Iesuitam.

Ad confessionarium artificium quod attinet, non inficias eo, hoc venationis Iesuiticae praecipuum instrumentum & perquam commodum rete esse. Neque tamen hoc ipsum tam caute haecenus disponere potuerunt, ut illa omnium arcanorum perscrutatio peccatorumque interdum non satis pudicum examen, cum satisfactionis illa insidiosa, multoties etiam avara impositione non plurimos offenderit & à Catholica communione ita repulerit, ut

Iesuitae quales concionatores.

Decipula Confessionaria.

Iesuitæ & ipsi
de arbore
scientiæ boni
& mali gusta-
vunt.

ab eadem propter ipsos præcipuè Iesuitas penitus abhorreant. Quantum ad vita conversationem, eam quidem ita hætenus instituerunt, ut nimis conspicua illa vitiorum ulcera, quibus Clerus hætenus ad eum modum deformatus, Laicisq; exosus redditus fuit, studiosè vitarent. Neg, tamen in hoc etiam proposito tam constantes aut circumspècti fuerunt ut non in opposito arboris scientia boni & mali fructus se in iisdem proderent. Dum enim ab una parte miraculosam quandam vita continentiam, angelicam castitatem, religiosaq; pietatis devotum studium ostentant: ab altera parte profunda avaritia tam dira lues & circumveniendarum nobilium Familiarum viduarumq; & orphanorum decipiendorum tam callidum artificium deprehenditur, ut hoc ipsum prudentioribus in hominibus tam religiosis summa admirationi fuerit. Vt interim superiorem artium Iesuiticarum chororum hæc intactum relinquam, de quibus tam multa jam dicenda fuerunt.

Scriptio Iesuitica.

Restat scriptio Iesuitica, in qua ferè summus Instituti huius excellentiæ gradus constituitur, nec id proorsus vanum censei debet. Negari enim non potest, dictionis Iesuiticæ characterem per se tersum & argutum. Orationem etiam si artificiosum spectas, floridam simul & nervosam esse. Quæ scriptiõnis virtutes ad illestandam & capiendam juventutem non exiguam vim habent, quæ etiam Iesuitas harum præcipuè rerum admiratione suspicere & sectari solet. Qui verò serio pietatis studio afficiuntur, hæc tanto minus curant, quanto in hisce rebus nimia Iesuitarum affectatio evidentior est: non aliter quàm si omnibus veteribus & recentibus Sophistis aut ipsis etiam tabulis palmam vellent præcipere. Veritatis autem sermo simplex est & esse debet: Inprimis verò Christiana religionis tractatio huiusmodi fucata & colorata orationis lenocinia averfatur & respuit, tanquam corruptarum prurientium aurium non satis castum delinimentum. Prudentissimi deniq; quiq; incorruptissimè iudicant, sic sentiunt, Iesuitas suis hætenus argutis & concitatis scriptis eatenus saltem profecisse, ut Catholicos suos inflammatos concitaverint, partem verò adversariam acquerint & obfirmaverint: Vt sic bellum illud religiosum, quo cæu Causone quodam Europa adhuc amburitur, tanto periculosius exarferis. Quemadmodum nostris ipsimet oculis cernimus.

Quod

Iesuiticæ scri-
ptionis effe-
ctus.

Quod autem de barbarorum in utraq; India conversione pro Iesuitis adducitur, illud ex iis locis petitum est, ex quibus aliquis non solum verum dicere, sed etiam securè mentiri possit. In Polonia præsertim & in illa explorationis difficultate, postquam Castiliones & Lusitani nullum extraneum in illas regiones admittunt. Ideoq; his nil aliud quàm vulgatum illud respondeo: Est Rhodus en saltus. De Hæreticorum in his terris conversione rem non proorsus nego, ut de qua oculorum aspectus testetur. Opus tamen ipsum non tam doctrina Iesuitica extraordinaria virtuti, quàm argumentorum aureorum & argenteorum ponderi ascribendum censeo, quibus utuntur, quorumq; perennem copiam eis Pontificis Romani favor Aureaq; Polonica jucundus calor sufficit: Inter qua tamen hæc inter nos quandoq; vitrea substitunt, pro quibus alibi in vicinia, ferrea substitunt. Quod genus conversionis Paullus Apostolus haud dubiè everfionem seu potius corruptionem dixisset.

Iesuitarum
aurca & ar-
gentca argu-
menta.

Ad rerum Moscoviticarum successus quod attinet, illi re vera nobis hætenus non citra fastum ostentati sunt: quorum etiam præcox spes Gentem Iesuiticam ad eum modum inflavit, ut omnia sibi deinceps licere putaret. Quædã verò nunc ex iis locis per repetitos nuncios constanter afferantur, te non ignorare credo. Iesuitas quidem audio narrationi huic acerrimè contradicere, quod ipsum indicio est, rem ipsorum ibi agi, ut quicumq; eventus (uti nam bonus) secuturus sit, non aliis eum quàm ipsis imputare possimus. Interim tu nosti, quale meum ab initio, quam primùm consiliorum istorum aliquid in vulgus emanavit, de molitionibus illis iudicium fuerit. Ipsi nempe causa in genere melius fundamentum optabam. Deinde rem per se periculi plenam esse apertè profitebar. Meministi etiam me de hisce conatibus Horatianum illud usurpare:

Moscoviz in-
consulta &
periculose
sentatio.

& arma

Nondum expiatis uncta cruoribus,
Periculose plenum opus alex,
Fractas, & incedis per ignes
Suppositos cineri doloso.

Deniq; sic præ me semper tuli, si Iesuitæ negotio huic se immisce-
rent, nullum ejus boni eventum expectandi, hos enim omnia tur-
batur.

baturos. Et si res felicissimè cadat, Imperium illud ab ipsis perturbatum & motibus intestinis repletum iri, qui nobis tempore fortassis non equissimo negocium faceere possent, quemadmodum in Suecia nobis non ita dudum accidit. Quam verus autem & falsus in his omnibus fuerim, ipsum tempus revelabit; & tum nos etiam de Iesuitarum in convertendis barbaris studio rectius poterimus iudicare.

Iesuitæ juvenutis instituentæ artificiosissimi Magistri.

Religionis Conservatrici propagationi subjungitur Institutendæ juvenutis nescio quod occultum & exoticum artificium, Propter quod Respub. (si utique Ecclesia iacturam hanc negligere possit) Iesuitarum opera carere nullo modo queat. Et hic pratextus superioribus aestimationis pondere non multum cedit, cujus tamen vanitatem viri in omni disciplinarum genere exercitissimi, qui Romano-Catholicam religionem publice profitentur & defendunt, jamdudum Orbi demonstrarunt. Rationibus firmissimis evidenter ostendentes: Iesuitas primum & Iesuitarum Institutum bonis literis & earum restorescenti splendori plus offuisse quam easdem promoverint. Ostendentes insuper, Disciplinam Iesuiticam meram corruptelam esse ingeniorum: quorum videlicet aciem retundat, & pro eo quod illa liberali institutione informare & excitare debebat, quendam potius eis stuporem inducat.

Qua de re aliquot inter nos præstantissimos non semel conquærentes audiivi, qui hodie in præcipuis Reipub. muneribus versantur, cum dicerent, se coactos esse Iesuitica institutionis vitia aut peregrinando corrigere, aut eadem postquam jam ad Rempub. animum applicaverant, ipso rerum usu dediscere. Quorum iudicio Experientia astipulatur, cum constet, inter ipsos Hæreticos, quos hæc gens nempe pro talibus tractari vult & haberi, Viros inveniri in omni disciplinarum genere exercitatos, qui ad omnia Reipub. munia idonei essent, nisi invidia eos premeret: etsi Iesuitica institutione nullo unquam tempore usi sint. Quomodo cumq; tamen hæc se habeant, illud apud me fixum manet: Si qua Iesuitis hæc in parte ab aliquibus tribuuntur, omnia verissima essent, & ipsi in Poloniam nostram alteras Athenas importassent, illud tamen nimis vile præcium esse aestimandam, pro patria libertate, quam pro hæc opera licitantur. Cum præsertim

erudite

erudite doctrina fructus aliunde non minus commodè, quam à Iesuitis habere possimus.

His tertio loco a nonnullis subjungitur, Iesuitas tamen homines esse actuales, quorum in rebus arduis expediendis magna sit dexteritas, eximia fides, &c. Multis hoc in ore est, qui pro Iesuitis nituntur, quos equidem admirari soleo. Quod nempe actualitatem hæc Iesuitis ita tribuant, ut propter illam eos laudent, eosdemq; propterea retinendos & fovendos statuunt. Nimis enim mirabile mihi hæc in Religiosorum tam religioso Ordine epitheton videtur, cum hoc potius Davi alicujus Terentiani attributum sit, qui sua veteratoria calliditate & panurgia omnia turbat & involvit. Ego itaque Polonia Milites potius & Aulicos, mihi vero Servitores actuales, Ecclesia autem Monachos & Religiosos pios, doctos & devotos opto. Veruntamen si quod res est fieri volumus, Epitheton hoc Iesuitis nimis verè competit, de quo totus Orbis, inprimis tamen Europa adeo luculenter testatur. Et nos etiam hæc actus actualitatem illorum ita sumus experti, ut si inter nos ad hunc modum diu pergere debeant, de illis Comicum illud rectè usurpaturi simus: Quod si annitantur ex unis nuptiis geminas nobis esse sturi sint, duplicato nimirum, quo in præsentia urgemur, infortunio. Sed quid putabimus Augustinum reliquosq; istorum temporum Patres de hujusmodi actualibus Monachis fuisse dicturos? Aut quis etiam in secularibus negociis tam demens fuit, ut in servo nequam veteratoriam calliditatem laudaret, aut Exploratoris exteri solertiam ita commendaret, ut eum propterea sibi fovendum existimasset? Te igitur hæc etiam scire velim, ingenio præstante & versatili nihil perniciosius esse, si vires suas ad res malas applicet. Ideoq; hæc ipsam Iesuitarum actualitatem egomet inter justissimas metus nostri causas refero, qua nobis veternum excutere, nosq; ad severiam rerum nostratium curam excitare deberet.

Illud autem quod de expediendi dexteritate adjicitur testimonio destituitur. Quid enim egregiè natio hæc inter nos præstitit, quidve tam dextre expedivit, aut quod potius bonum non impedit? Nisi forte amissam Sueciam, afflictam Galliam, tentatam Scotiam, Anglicas conspirationes & tot nobilium hominum tragicum interitum, Venetianas practicas, Moscoviticis tur-

Iesuitæ actuales.

Iesuitarum in rebus turbandis (expe- diendis dicere volebam) dexteritas.

E

bas,

bas, perturbatam Vngariam, oppressam Styriam, Carinthiam, Carniolam & quae hactenus in Polonia ediderunt aulica gymnasmata, pro Iesuitica dexteritatis operibus nobis sint habenda? Ad res quidem arduas aggrediendas & invadendas satis adhuc audax est haec secta, audacia vero illius eventus hactenus ubiq; sequitur, ut turba maxima ab illis excitentur: tales nimirum qua citra infiniti ferè sanguinis effusionem adhuc nec sisti nec sedari potuerunt. Quem igitur hac agendi dexteritas delectat, is videat & provideat, ne quid Respub. Iesuitica detrimenti in Polonia capiat.

Iesuitica fides
Poloniae in-
utilis.

Nec id quod de illorum eximia fide predicatur certioris fidei est: Quod tamen illis forte persuaderi poterit, qui vel Iesuitarum arcanas designationes prorsus ignorant, vel quibus illi os aliàs ita oblinunt, ut propter certas causas ad eorum palatum omnia dicant & faciant. Quod si tamen aliquis fidem Iesuiticam verbis extollere velit dico eam, quanta quanta est, totam exteris, & quidem citra ullum boni Polonici respectum, additam esse & arctissimè obligatam. Huiusmodi inquam exteris, qui etsi corpore a nobis absunt, consiliis tamen & occultis machinationibus, nimium interdum familiariter inter nos conversantur. Cum his ergo si forte aliqua nobis controversa incidat, ecquid illi nobis de Iesuitarum fide polliceri poterunt? Annon verò in Gallis, Anglia, Scotia, Vngaria, Venetiis satis jam conspicua fidelitatis suae documenta in publicum ediderunt, si ad nostratia utique cecutimus? Et quid in re manifesta verbis opus est, cum nulla hodie Europe Christiana natio sit, qua non de Iesuitarum perfidia aut satem perfidia suggestionem & excusationem conqueratur, si unam Hispaniam excipias.

His denique à nonnullis additur, Inconveniens esse ut Iesuitas Poloni expellant, cum Galli, qui propter longè graviores causas eos eiecerant, eosdem revocaverint, ubi etiam adhuc citra ullum Reipubl. incommodum vivant, &c.

Gallia Iesui-
tas recepit.

Ego verò novi Iesuitas in Galliam reversos esse, sed quòd à Gallis revocati fuerint, ne ipsi quidem, quamvis multa dicant, facile dicturi sunt. Interim verò artes, quibus se in Gallis denuò insinuarunt, tales sunt, ut propter illas ipsas ejectionem eorum

inter

inter nos maturandam existimem. Ex illis enim liquidissimè perspicitur, quantum hic genius intra Europam in versando & circumagendo rerum cardine polleat. Sic enim nosse debes, Iesuitas in Galliam non propter aliquem eorum usum, quo regnum illud carere non posset, receptos esse: sed ad vehementissimam Romani P. instantiam. Quem videlicet Rex in tam infida cum vicino potentissimo pace offensum nolebat: Cui tamen serium Catholicismi studium vix probaturus erat, quam diu Iesuitas regno arceret. Interea ne illud quidem dubium est, eos qui Pontifici in restitutione illa promovenda operam suam apud Regem praestiterunt, majora prammia consecutos esse, quam omnes quicunq; hactenus Reipub. vel inter nos vel alibi militaverunt. Quamvis non desint qui existiment, Henricum 4. haec etiam ratione securitati suae consulere voluisse, quòd aliàs à Iesuitarum insidiis nunquam tutus esset futurus. Quod autem hactenus pacatè dicuntur vivere, id si verum est, admirationem meretur: quantumvis causas gravissimas habeant, cur se in tam recente anteaetorum memoria ad tempus cobibeant, sub illius praesertim Regis imperio, cuius auctoritatem, quam sibi rebus gestis comparavit, non immerito verentur & metuant. Quid autem futurum sit, si praesenti rerum Gallicarum capiti aliquid humani accideret, rerumque administratio, ut antehac factum meminimus, ad minores heredes devolveretur, facile erit divinare. Cum verendum sit, Galliam tum demum commissi in recipiendis Iesuitis erroris effectum suo magno malo sensuram. Nos verò hactenus causa nulla, per Dei gratiam urget, ut Gallorum similes facti, tam ambigui jactus aleam subeamus.

Iesuitae cur in
Gallia pacatè
vivant.

Hac fere pro Iesuitis ab iis afferuntur, qui persuasi sunt, nec Reipub. nec Ecclesiam gentis istius opera commode carere posse. Praeter quos etiam alii sunt, qui etsi Iesuitarum acta omnium minimè probent, in eosdem tamen nil gravius statui patiuntur, quòd hoc citra maxima Reipub. incommoda ne tentari quidem posse existiment. Itane ergo Polonis res jam eò redierit, ut aut Iesuita & Iesuitismus nobis tollerandi, omnesq; illorum machinationes cum tam praesenti Reipub. periculo perpetiendae sint, aut extremum rerum discrimen adeundum? Vbi ergo

Iesuitarum
religiosae mo-
destiae parum
tunc fidendum.

E 3

tunc manebunt illa Ordinis istius elogia, quibus ab initio nobis commendati sunt? Quod homines sint innocentissimi, pacifici, quod spiritualibus contemplationibus toti addicti, in quibus Poloni huiusmodi prorsus Clericos habituri sint, quales jam dudum desideraverint? Ab his ergo talibus ecquid nobis timendum erit?

Ego tamen jam dudum novi, Bilem hanc citra molestiam ex Reipub. corpore nunquam evacuatum iri, postquam jam nostra incuria ad viscera tam altè penetravit, ipsasq; præcipue vitales partes tam arctè obsedit. Existimo tamen periculum aliquanto minus futurum, quam plarique sibi imaginentur.

Incommoda
quæ Iesuitarum
expulsionem secu-
tura sint.

Pontificis
offensio.

Quæ enim incommoda nobis narrant, quæ Iesuitarum expulsionem secutura sint? Pontifex inquit, & Hispanus gravissimè offenditur. Magna profectò numina, quorumq; via nobis laudè leviter estimanda est. Quid enim de Polonia futurum existimabis, si Saturnum & Jovem Europaum tam malè dispositos habeat? Ego verò heic servi illius comici expostulatione uti possem, Possum ne scire quot mihi heic Domini perferendi sint? Ne tamen nimis alicui confidens & securus videar, de utroq; aliquid dicendum erit. Ad Pontificis itaq; offensionem quod attinet, de ea quidem nullus dubito, quin nimis certò secutura sit, agnosco etiam eam nobis formidandam esse. Cum verò à Iesuitis longè graviora cogamur metuere, existimo hanc indignationem Polonis non nimium esse pertimescendam. Spero etiam ad eandem avertendam legitima media nobis non esse defutura. Pontifex enim aut bonus est & talis, qui memor sui officii, Regni Poloniae aequè ac omnium aliorum Christianorum regnorum optimum statum promotum & conservatum cupiat. Cum tali itaq; sperandum esset nobis facile conventurum: si nempe missis legatis ei ad oculos demonstraverimus, Rem Polonicam nec cum Iesuitis nec cum Iesuitarum hactenus usitatis artibus diutius consistere potuisse, &c. Nec dubito quin is tempori cessurus & indignationem si qua oborta fuerit, Reipub. facile remissurus sit.

Aut idem malus talisq; est, qui sua tantum libidini, citra ul- lum Reipub. aut aequitatis respectum indulgeat, omniaq; prius sursum deorsum ferri patiat, quam ut quod male ceptum est corrigi sustineat: Tum verò iram ejus ne curandam quidem existimo. Neq; enim ulla vel divina vel humana Lex Polonos obligat, ut aut

ut aut suum ipsi periculum sibi scientes accersant, aut Romani P. injustè sibiq; præjudiciali voluntati se per omnia conforment.

Qua in re si meum tibi iudicium suspectum esset, Majorum exemplis te patiari erudiri, ut cogites, quid ipsi in simili casu fecerint. Nosti etenim, quanta animorum contentione Romani Pontifices olim Crucigeros contra regnum Polonia defendendos susceperint, quàm atrocità Regibus nostris plarunq; minitati sint. Resq; tandem eò processit, ut circa annum 1456. si Aenea Sylvii epistolis credimus, Roma Excommunicatio contra Regem, regnumq; Polonia decreta fuerit. Neq; tamen hisce minis, quantumvis ipsius etiam Imperatoris Friderici 3. indignatio eas acueret, ad eum modum se perterriti passi sunt Majores nostri, ut non potiore salutis Reipub. quàm indignationis Pontificia respectum habuerint. Ovum autem ovo tam simile nunquam esse poterit, quàm benè Iesuitarum Institutum, mores & actiones cum Crucigerorum ordine rebusq; gestis conveniunt. Nam ortus ratio & occasio ferè eadem utrobique fuit: Vtrumq; institutum ad unum eundemq; finem per diversa saltem media fuit directum: Forma politica exceptis paucis circumstantiis eadem fuit: Vterq; ordo progressus longè celerrimos fecit, dilatataq; per eos Christiana religionis & imperii laudem tulit: Vterq; tandem à seipso ita degeneravit, ut iis, pro quorum defensione instituti fuerant, graves & molesti esse ceperint. Differentia saltem in eo consistebat, quod crucigeri professi Milites erant, remq; apertis armis contra Majores nostros gererent, quorum legitima remedia Polonis nunquam deerant: Hoc vero malum intra viscera nostra hærrens iis artibus nos oppugnat, quarum Polonia antehac prorsus imperita fuit. Quæ res facit ut existimem, eos nova illius secta institutum omnium rectissime estimare, qui Iesuitas Crucigerorum spurios dicunt. Cum itaq; Majoribus nostris olim Pontificis nec indignatio nec autoritas obstiterit, quò minus Crucigerorum injurias acerrimè vindicarent, regnumq; tuerentur, cur in simili casu huiusmodi spectris nos terreri patiamur?

Sin tamen hæc alicui forte nimis antiqua viderentur, illi recentius exemplum habent, quod Avorum memoria accidit.

Sigismundus I. quem inter optimos suos Reges Polonia non immeritò recenset, quem etiam Romana sedes adhuc pro genuina

Majores olim
nostri Reipu.
salute nihil
antiquius ha-
buerunt.

Iesuitæ Cru-
cigerorum
spurii.

Alberti Brandeburgici exemplum.

obedientia filio agnoscit & pradicat, Albertum Brandeburgicum cum ditione Borussiacam fidem & clientelam suam recepit, tum quando propter abdicatum Crucigerorum ordinem & desertam religionem Romanam non solum à Pontifice, sed ad huius instinctum ab Imperio Romano sub potentissimo Imperatore Carolo V. excommunicatus & proscribitus erat. Aula tamen precipue Romana fremebat & indignabatur, quòd tota Borussia hac ratione ab Ecclesia abalienaretur. Nec Sigismundo parsura fuisset, si Excommunicationis aliquem potentem executorem potuisset habere. Hic enim desiderabatur: quòd tamen is suscipere deus tulit. Et quid ego de Regibus nostris dico, cum nostra hac atas ejusdem magnanimitatis & egregie fidei in Rempub. illustre exemplum in ipsa Regni Primatate habuerit? Fuit is Jacobus Vchanski, Archiepiscopus Gnesnensis, cui cum Romanus P. Excommunicationis telum intentaret, quòd animadverteret, eum in consiliis publicis majorem salutis Patrie, quam sedis Romana respectum habere: Is se adeo non passus est à proposito dimoveri, ut Pontifici potius rescripserit, se si pergeret ei Reipub. nomine molestiam exhibere, intentatum fulmen in ipsum retor sursum. Quo responso ictus Pontifex Archiepiscopum missum fecit, ut qui nosset hoc eis in Polonia factum quam dictum fuisse. Cujusmodi libertatis spiritum, si ex illius successoribus hodie, sub hac inquam Jesuitica animorum dispositione aliquis sibi usurpare presumeret, ecquid tu de eo futurum putas? Annon ille quanto ocyus ad Patres ire cogeretur? Hac igitur mascula virtutis exempla quoties in Majoribus nostris considero, toties admirari cogor, quae res hodie nostratium Prelatorum animos ita immutarit, ut in multo levioribus casibus tantas sibi difficultates imaginentur. Dum inter dum Pontificis nescio quae Regalia allegant, quae inviolata retineri volunt, sed & Regem ita loqui docent: Non aliter quam si Polonia jam duos Reges haberet, unum Cracovia, alterum Roma. Dum etiam exterorum offensiones sapius ultra modum exaggerant, Reipub. publica se tam difficiles prabent. Quemadmodum jam aliquoties in deliberationibus de Moldavia, Valachia & tandem etiam Transylvania fieri vidimus. Ideoq; sic tandem existimo, eos qui à Pontificis offensione sibi tantopere metuunt, siquidem Jesuita paullo durius tractari deberent, eo ipso satis de-

Clerus Polonicus à Jesuitis corruptus.

monstrare, quam frigide erga Rempub. affecti sint, & suspensionem de se non exiguam prabere, quòd privata commoda illis Patria salute potiora sint. Quales si Majores nostri fuissent, Borussia nobis hodie carendum & in hunc usq; diem cum Crucigeris colluctandum esset. Sed & hanc scrupulosam in hoc ordine conscientiam nulli alii rei hodie, quam Jesuitica, de qua dictum est, dispositioni debemus.

Vbi tamen mirari cogor, quid hi, qui eis hac in parte eatenus astipulantur, ut Pontificem nulla in re offendi patiantur, posteritati aliquando responderi velint, si nempe illa ex nostrorum temporum historia resciscat, Rempub. Venetam propter repetitas à Pontifice aliquas Ducatus Ferrariensis particulas, & propter improbatas quasdam non maximi momenti constitutiones, pro libertatis sua defensione, Jesuitas ex dominio suo universo expulisse, & intentatam propterea Pontificis excommunicationem, usque ad aperti belli periculum contempnisse: Cum interim Majores sui in Polonia libertatis alumna tam meticulose fuerint?

Quod si etiam in hisce rebus nos ad eum modum à Pontificis arbitrio patiemur suspendi, Polonorum conditio multo deterior, adde & servilior futura erit, quam ipsorum Moscorum: qui in consiliis de Repub. nulla alia quam ipsius Principis Reipub. publica Regalia respectant aut attendunt.

Ad Hispanum quod attinet, ego non video, quae ei justa offensionis causa à nobis prabeatur, si nos nostra Reipub. pro rerum nostrarum exigentia pro virili studeamus consulere, citra ullum ejus prejudicium? Cur etiam Regem illum potentissimum magis offendat, quòd nos Jesuitas expellimus, quam nos hactenus offendit, quòd ipse eos, ut sibi commodos, tam indulgenter fovet? Quid si verò Rex Hispania Rex Polonia audire vellet, (quod equidem quo minus ad libitum consequatur per Jesuitas non habit) num ad cavendam ejus indignationem hoc ei concedendum esset? Si deniq; eò nos demiserimus, ut domi nobis nihil agere aut tentare liceat, nisi quòd aureo velleri probetur, ecquam Rempub. in Polonia habituri sumus?

Verum heic nonnulli adhuc pergunt excipere, Etiam domi & intra parietes multos offensum iri. Cui aliqui adjiciunt, si Jesuita

Hispani offensio quanti Polonis in hoc casu astimanda.

Iesuitæ extra regnum proscribi debeant, etiam alios, & illos præcipuè Evangelicorum ministros unà exterminandos, &c.

Ad prius quod attinet, de multorum intra domesticos parietes offensione, ego primùm nescio, quinam illi multi futuri sint, quorum offensionem nobis tam periculosam imaginari debeamus, si præsertim reliqui Cleri securitati caveretur? Cum enim heic nil aliud quàm salus Reipub. ejusq; in longum propagatio quaratur, nemo hinc tumultuandi occasionem habere poterit, nisi forte fortunas suas cum Iesuitis ita conjunxerit, ut cadentibus illis ipse stare nequeat. Et hi fere illi sunt, qui eis omnium molitionum & consiliorum, forte etiam contra regnum, sunt conscii. Et quamvis verendum sit, eorum plures esse, quàm expediat, ne horum tamen offensio perinde nobis astimanda est. Cum nemo dubitet, quin honorum, qui Rempub. salvam cupiunt, multo major pars in omnibus Regni partibus futura sit.

Sed esto, ut heic forte aliquid nobis molestia sustinendum esset, num propterea Medicinam respuemus? Qua purgatio agrotum unquam tam feliciter cessit, ut non aliquid ex illius operatione torminum senserit? Quod si Iesuitarum expulsionem illos fatales tumultus avertere & præcavere possemus, qui hætenus plerasq; Europæas Provincias tam duriter afflixerunt, quo de eorum et planè sum persuasus, Resne digna censebitur, propter quam etiam incommodi aliquid patiamur? Si publica libertati, si regno nihil periculi est, si privatorum corpora & fortuna in tuto sunt, ecquid tumultuamur? Cur exterorum insidias & conspirationes metuimus? Sin verò hæc omnia nobis ita imminent, ut Iesuitas eorum si non principales autores, perniciosos saltem actores, promotores & internuncios noverimus, ut omnes præseferunt, ecquid amplius cunctabimur?

Ad alios verò, Evangelicorum præsertim Ministros, quod attinet, si in eadem turbata pacis & oppugnata publica libertatis culpa cum Iesuitis hærent, nil equidem causæ dicam, quò minus & illi & quicumq; crimini huic quocumq; modo affines deprehendantur, cum eis expellantur. In suspitione enim turbata Reipub. neminem quodcumq; vita genus tueri potest, aut eidem patrocinari debet.

Sed nunquid heic res cum re aut causæ cum causæ conferri poterit?

Quibus fere Iesuitarum expulsio omnium in gratissima sit.

In puniendis Pacis publicæ perturbatoribus non persona, sed factum respiciendum.

poterit? Quemnam Pontificem aut Hispanum Ministri illi intra aut extra regnum habent, cui hunc agrum arent aut serant, aut ad quem eis, rebus heic perditis, per fugium pateat? Quales etiam in Aula & circa Reipub. clavum illorum partes sunt, aut in æternum esse poterunt? Aut qua prædicia hi in detrimentum Nobilitatis coemerunt, quasve immunitates in fraudem Reipub. consecuti sunt? Et qua etiam illorum vires sunt, propter quas Reipub. formidabiles aut saltem suspecti esse debeant? Quorum divitiæ fere omnes in lacera & detrita ut plurimum Reverenda, ut nostrates loquuntur, & Bibliorum, adde si res lauta est, Augustini codice, nudaq; & numerosa sobole consistit? Ipsi deniq; Evangelium Ministri annon unuscujusq; pagani Præfecti superioritatem agnoscere eidemq; se sistere coguntur? Collatio itaq; hæc prorsus inepta adde & ridicula est.

Sunt fortassis & alia quæ pro Iesuitis ab illorum fautoribus nobis objici possent, sed ea vix majoris momenti erunt, quàm quæ hætenus allata sunt. Ideoq; hæc tibi sufficient, ut ex quibus reliqua facile dijudicare poteris.

Ex his ergo, quæ hætenus demonstrata sunt firmiter tandem concludo: Ius qui hoc tempore Rempub. restitutam, sanatam & in posterum salvam cupiunt, si ordine procedere, si laborum suorum fructum aliquem sibi polliceri volunt, ante omnia operam esse dandam, ut Iesuita extra regnum abigantur: sed ita ut ab actos obdito pessulo reditu prohibeant.

Expulsa autem & expurgata hac acri & arrovente bile, Morbis nostratis paroxysmus in genere & paulatim lenietur, reliquæ partes affectæ, Clerus præcipuè, sanabiles & tractabiliores redentur poterit, quod luxatum est, per ocium, citra gravioris alicujus symptomatis metum curari & restitui.

Quandiu verò hic Incendii febrilis fomes intra Reipub. viscera retinebitur, nulla nobis salutis & securitatis spes relinquitur. Quodcumq; enim machinabimur, quibuscumq; emplasmatis vulnera ligare & obducere studeamus, opera & oleum nobis peribunt, malumque in hac corporis Polonici Cacoehymia ad levissimam quamq; occasionem recrudescet. Neque enim Iesuita, ut cetera omnia sanentur, ad Regni Polonia legumq; Polonicarum similitudinem in æternum reducentur, ut illa sub hoc, qui adhuc qualitercumq; durant, statim probent.

Ministorum Evangelicorum intra regnum conditio.

Expulsionis Iesuitarum qualis effectus sperandus.

Particularis
purgatio quo-
modo secun-
dum nonnul-
los instituen-
da.

Ideoq; ne eos quidem audiendos cenſeo, qui ut res minus odioſa ſe, non univerſalem purgationem cenſent inſtituendam, ſed per partes tantum bilis iſtius detractionem & imminutionem faciendam putant. Verbi gratia, ſunt qui eos tantum extra regnum propellendos exiſtiant, qui vel clauſtarum machinationum contra regnum cooperatores aut ſaltem coſcii fuiſſe deprehenduntur, vel quorum ſeditioſus fervor publica paci precipue periculoſus cenſetur. Sunt qui hanc Jeſuitiſmi diminutionem a locis incipiendam ſuadent. Vt nempe ex primariis Regni Urbibus aut ubicunq; ab eis Reip. inſigne aliquod periculum metuendum eſſet, removeantur. Sunt denique, qui putent, publica ſecuritati ſufficienter proſpectum iri, ſi latis legibus in arctiores carceres redigantur. Hec igitur conſilia paucis diſcutiamus.

De his primum in genere ſic dico: Cum quacunq; Jeſuitarum offenſione, ſive eos in univerſum expellamus, ſive audaciam illorum ad certam quotam reſtringamus, Pontificia indignationis invidia in nobis ex equo metuendam eſſe: quam tamen plerique omnium maxime cavendam cenſent. Hoc ſaltem diſcriminis erit, ut ſi partem aliquam Jeſuitiſmi intra viſcera retinuerimus, tanto plus nobis periculi ab eodem pontifice futurum ſit. Cum igitur cum particulari offenſione tantundem difficultatis ſubeundum ſit, quantum cum totali expurgatione, cur non hanc ut utiliſſimam & certiſſimam preſeremus? Immo hanc ego tibi cenſe maximam preſcribo: Jeſuitas facilius ex regno expulſum, quam intra regnum in ordinem redactum iri.

Dico amplius, eos vehementer errare, qui ſperant, Bilem hanc ita cante poſſe moveri, ut non protinus exardeſcat & exaſperetur, & ut non omnes vindicta occaſiones ſtudioſiſſime conquiſituri ſint, quodcunq; forte ad tempus, propter preſentem neceſſitatem ſimulent. Quae occaſiones ingeniis iſtis intra & extra regnum nunquam deſuturae ſunt. Quod ſi ergo, reſumptis aliquando animis & viribus, denuo aliquid & forte periculoſius quiddam moliantur, quid tum facti opus erit? Num quotannis in Jeſuitarum gratiam Generalem Rokofoh celebrabimus? Deinde in ſpecie iis qui nocentiſſimum queng; ex Jeſuitis exterminandum cenſent reſpondeo: Nec cauſſam nec culpam earum rerum, quarum Jeſuita inſimulantur, ita partiri & ſeparari poſſe, ut alter altero mitius aut durius tradiendus ſit. Sic enim jam oſtenſum eſt,

ſectans

Particularis
expurgatio-
nis incom-
moda.

NB.

Jeſuitarum
omnium æ-
qualis culpa.

ſectam hanc tam arcte inter ſe compactam eſſe, ut totum corpus & cum hoc omnia eius Individua membra, in harum precipue rerum praxi, de quibus nobis ſermo eſt, in unum conſpirent, & ad unum ſcopum mente & corpore ferantur.

In unaitaq; eademq; culpa omnes aequaliter harent: differentia ſi qua eſt, in ingenioſarum virium ſaltem inaequalitate conſiſtit, ut quod unus, aut alter fecit, omnes facturi fuerint, ſi vires aut occaſio non deſuiſſent. Nec credo te audiviſſe quod Jeſuita aliquis a tribulibus ſuis, ob quodcunq; etiam deteſtandum facinus, publice damnatus aut etiam reprehensus ſit. In hoc enim genere non peccant, dummodo facinoris perpetratio in illum finem dirigatur, quem Jeſuitis in ſpecie propoſitam eſſe oſtendimus. Quod autem de nonnullorum ſeditioſo fervore aſſertur, illud per ſe ſpecioſum eſt, ego tamen ſic exiſtimo, Illos nondum peſſimos aut etiam Reipub. periculoſiſſimos eſſe, qui Cracovia, Poſnania &c. ades exurunt, Cæmeteria invadunt, ſepulchrorum corpora reſoſſa immaniter violant. Contra hanc enim rabiem, licet in hunc uſq; diem impunita manſerit, vel tandem remedium aliquod invenietur. Sed illas potius vulpeculas nobis obſervandas cenſeo, qui per Sudetas montes Alpiumque juga hinc inde commeantes, exoticarum artium ſpiritum ferunt & perferunt. Denique remedium hoc, ſi tam bene caderet, ut nocentiſſimi qui ſunt, exterminarentur, nos tamen ſaltem ad tempus relevaret, dummodo relevaret: tam diu nimirum donec his alii ſeptuplo peiores ſubmitterentur. Num verò hoc ſatis juſtum opera precium cenſeri debebit? Illius inquam opera, quam Reipub. tantis ſumptibus, tanta Nobilitatis deſatigatione, nec ſine noſtro periculo preſtare conamur?

Qui verò eos ex Aula & primariis Regni Urbibus expellendos ſuadent, illi quidem aliquanto fortius conſulere videntur, ſed non multo plus quam priores proficiunt. Videntur quidem certe Reipub. partes nonnihil ſublevari, videntur etiam Jeſuitis precipua nocendi occaſiones eadem ratione præcidi. Egoq; jamdudum ita perſuaſus ſum, nullum gravius in Rempub. peccatum à nobis commiſſum eſſe, quam quod Jeſuitis in hiſce Regni arcibus ad expediendas ſuas machinas tantum ſpacii conceſſimus. Id quod forte tum demum ſenſuri ſumus, ſi aliquid fortiaſſis periculi à meridie & occidente nobis ingrueret.

F 2

Heic

Jeſuitarum
ſtudia quæ
nocentiſſima

Secundi con-
fili absurdi-
tates.

Heic tamen admirari cogor, quibus rationibus consilii huius
autores ducantur, quod in Reipub. curatione potiore *Vrbium*
quam equestris Ordinis, ipsiusq; adeo Cleri respectum habeant?
Eos itaq; libenter interrogarem, quid putent singularis auxilii
ad *Reipub.* revertendum, si primaria Regni civitates exoneren-
tur, & pestis hac interim libere in Nobilitatem grassetur? sique
peregrinissimo huic liceat reliqui Cleri animos continenter sollici-
tare & in transversum agere? Ecquam illi tum rebus nostris
spem securitatis faciunt? Hi ergo in eo periculose falluntur, quod
existimant, malum Iesuiticum intra *Vrbium* adificia, ita con-
tineri, ut ibidem tantum aut saltem potissimum *Reipublica* no-
ceat: Cum hoc primum ipsius Aula, ut ostensum est, deinde pu-
blica animorum pestis sit, a qua Nobilitati & Clero & per hos de-
mum *Reipub.* precipue metuendum sit.

Propter Cle-
rum precipue
Iesuitæ sunt
expellendi.

Quin immo, dum Iesuitas in universum extra regnum pro-
pellendos suadeo, in eo Cleri Polonici quam maximum respectum
habeo, cujus excessus non aliter, quam bilis huius ferventis sub-
tractione corrigi posse existimo. Ex his ergo iterum perspicitur,
ne huius quidem consilii eum inter nos effectum sperandum esse,
quo nobis ad res nostras componendas & firmandas opus est.

Restant ii qui Iesuitas non solum ex Aula removendos & ex
Vrbibus expellendos, sed etiam latis legibus intra Monachorum
claustra redigendos & Ordinariorum jurisdictioni, hoc enim a
nonnullis additur, subjiciendos consulunt.

Tertii confi-
lii vix ullus ef-
fectus spe-
randus.

Videntur & hi aliquanto longius progredi, quibus ego ad vi-
tandam majorem invidiam omnino parendum suaderem, si ulla
saltem consilio huic spes subesset. Sed hanc sequentia mihi in uni-
versum pracidunt, Primum Iesuitas ita animatos esse certo novi,
ut omnia potius moturi, omnia turbaturi sint, quam ut splen-
doris & existimationis illius, qua ipsorum ordo hactenus supra
reliquos Religiosorum ordines, ipsumq; Clerum universum emi-
net, vel minimam jacturam subeant. Iesuita autem si ex Aula
excludatur, si in versando *Reipub.* clavo non omnibus aliis præ-
polleat, si a publico ita arceatur, ut claustro inclusus, alium quam
propriam militia sua Ducem superiorem agnoscere cogatur, si de-
nique omnium arcanorum explorandorum occasio ei adimatur, a
summo ad infima sibi redactus videbitur, ut qui jam nil amplius
quam vulgaris Monachus futurus sit. Quod dedecus Gens ista
non

non mitiori indignationis affectu averfatur, quam si nobilis ali-
quis Regniq; dignitarius subito in abjectissima plebis censum de-
trudatur. Cælum itaq; potius ruere patientur, quam ut hanc in
se ignominiam admittant.

Est tamen ut heic eos patientiores offendamus, quam ego spe-
rem. Quero igitur secundo loco, quibus vinculis eos constricturi
simus? Certis legibus, inquit, publicisq; constitutionibus. Bene-
dicis, Egoq; fateor hac justa esse in Foro politico coercenda libidi-
nis media, quantumvis hactenus per illa non pro spe profecerimus.

Verum heic ulterius querere cogor, Eccui huiusmodi legum
& constitutionum, si qua facta erunt, executionem commendatu-
ri simus? Ordinariis locorum, respondebis. Ego vero agnosco
ad ipsos muus hoc ex Regni legibus spectare: sed quid si ipsi tam
odiosam Provinciam recipere nolint, aut excommunicationis
Pontificia metu non ausint? Veruntamen si ve recipiant si ve re-
pudient, ne sic quidem *Reipub.* securitati prospicietur: Primum
enim antiqua illa disciplina severitas apud nos hodie multum re-
misit, qua apud Romanos olim parentes de liberis, si forte in *Rem-
pub.* peccassent, supplicia sumebant. Verendumq; propterea erit
ne optimo cuiq; ex hoc ordine, & qui alias in *Rempub.* rectè af-
fectus est, illud in hac custodia vel imprudenti accidat, quod *Vir
ille Dei 3. Reg 20.* in historia Achabi sibi evenisse fingit ut dum
ipse aliis rebus intentus est, captivus, cujus custodiam susceperat,
aufugerit. Deinde experientia testatur, Ordinarios locorum
hactenus magis Iesuitis parere & obnoxios esse, quam quod hi il-
lorum auctoritatem aut jurisdictionem multum curent. Quin
immo hi pro Episcoporum pedagogis se gerunt, quos etiam, ut
Aula Rom. Corycosos, metuere & observare coguntur. Qua-
lem ergo coercionem ab iis expectare poterimus?

Tertio sic dico, quodcumq; de his omnibus fiat, Nos tamen con-
tra gentem hanc Legibus nostris nihil profecturos, in quo me ex-
perientia ipsa jam erudit. Quid enim? Confœderatio publi-
ca annon Lex est, annon Constitutio est, annon Polonorum jus
est, publicis Regis & Nobilitatis juramentis sancitum & confir-
matum? Sed quid per hanc eandem hactenus contra hanc pestem
Politica proficimus? Annon rabies ista per hoc efficacissimum
(sic quidem Majoribus nostris videbatur) remedium irritata
potius est quam cohibita? Quam petulanti lingua stilog, Satyrico

Iesuitismi in-
clusi anceps &
periculosa
custodia.

Iesuitæ supe-
riorum præ-
latorum pz-
dagogi.

Confœdera-
tio quam ci-
vilitate hæc-
nus a Iesuitis
tractata.

livor iste hoc salutare institutum incessis, deridet & exsibilat? Tam laxum & molle capistrum Damon iste tam impatienter fert, qua igitur ratione arctius duriusve quiddam feret? Cumq; hoc isti constitutioni faciant, per quam Iesuitismus proprie non leditur, ecquid de illis fiet, quas in suam perniciem factas recordabuntur?

Et quid tandem Iesuitis nos prescribere tentabimus, cum suis ipsimet constitutionibus, qua contra hanc, de qua conquerimur, intemperiem ad speciem inter ipsosmet lata sunt, non pareant? Anno enim superioris seculi 93. Iesuitarum superiores cum animadvertereut, Res Gallicas suorum potissimum scelere jam ferme perditas, coacto Roma generali totius Ordinis conventu, statuto sanxerunt: Patres Societatis Iesu, cum omnibus qui ordini illi ascripti sunt, a causis & negociis secularibus in univertsum abstinere debere, &c. Huic igitur decreto ecquomodo haetenus inter nos paruerunt?

Sic igitur tandem contra hos etiam concludo, consultius esse ut tam fera Bestia prorsus abdicetur, quam ut Cavea intra domum inclusa, cum perpetuae sollicitudinis cruciatu custodiatur.

Dixi autem, Iesuitas non solum expellendos, sed etiam contra reditum omnia diligenter praevenda esse. Neq; enim expulsi quiescent, ut non omnem lapidem moveant, quo ipsis redire liceat, ut sic hanc vesti Iesuitica injectam maculam vicissim eluant. De quo nos Gallia admonere debet, in cuius Aula Iesuitarum absentium practica tantum potuerunt, ut cum excussi Dentis in ore regio lacuna resarciri nunquam posset, Iesuita tamen, reclamantibus. Parlamētis & obnitente prudentissimo quoq; non solum restituti sint: sed etiā Pyramis illa, perpetrati sceleris aeterna index fuerit demolita.

Hoc autem inter nos hac fortassis ratione omnium rectissime praevenerit: Si primum bona illorum immobilia in alios usus ad publicam Regni, praecipue tamen nobilitatis, cui major illorum pars detracta est, utilitatem convertantur. Quod sic commodissime fiet: Si bonis literis consultum cupimus, quarum videlicet interitum pleriq; sibi per Iesuitarum expulsionem imaginantur, detur opera, ut ex iisdem Cracoviensi Academia de viris bonis, doctis & in omni disciplinarum genere probe versatis extra ordinem prospiciatur: Aut si ita placet, praeter hanc alia intra regnum Academia instituat. Deinde alibi in regno schola hinc inde aperiantur, in quibus non solum eruditus Praeceptoribus honesta

stipen-

Statutum
conventus
Iesuitici.

Morbi causa
ita tollenda
ut agrotis et-
iam contra
recidivam
prospiciatur.

Bonorum Ie-
suitarum
dispensatio.

stipendia constituentur: sed etiam pauperibus Scholasticis, iis nempe qui ingenio valent, sed propter fortune tenuitatem literarum studia commodè prosequi nequeunt, de victu & sustentatione provideatur. Idq; tanto majori cura, quod ex Nobilitate etiam omnibus temporibus inveniuntur, qui huiusmodi studiorum subsidiis opus habent. Et hac ego districtum in regno ceu publica Gymnasia esse vellem: Quorum cura & inspectio certis ex Nobilitate utriusq; ordinis viris & qualificatis personis commendari posset. Hoc si fieret, Iuventuti nostra, qua in spem honorum & ad Reipub. ministeria educatur, cum pietate & bonis literis Patria Legumq; patriarum & reverentia à teneris implantaretur, & Reipub. de viris idoneis ad eum modum prospiceretur, ut eadem ab exterorum factionibus & insidiis minus periculi esset. Iesuitarum etiam expulsorum desiderium si quod erit, intra paucos annos prorsus evanesceret & obliteraretur.

Tertio si quid superest, ut omnino superfuturum puto, publica ex eo Nosocomia instituantur in eorum usum, qui in bellis se pro Reipub. strenuè gesserunt, & vel vulneribus debilitati sunt, vel per aetatem militia labores non amplius perferre possunt &c. Vt hac militaris virtutis quasi Asyla constituentur, ubi benemeritorum & emeritorum illa non turpis senectus honestè & liberaliter sustentetur. Cujus sanctissimi & utilissimi Instituti exempla in Urbibus Belgicis me videre memini, cuius etiam specimen nobis praeiit laudatissima memoria R. Stephanus, quando VVaravia huiusmodi pro debilitatis militibus Xenodochium instituit & dotavit. A cuius tamen praecleara & plane regia voluntate & intentione nimis citò recessum est.

Nec ego video, quomodo Iesuitarum bona vel sanctius vel utilius collocari queant: Ita nimirum ut quae semel piis usibus destinata sunt, iisdem maneant, & ipsius interim Nobilitatis damnum, quod à Iesuitis Iesuitarumq; artibus se accepisse queritur, aliquo modo resarciatur, & sic Reip. commodis utrobique optime cōsulatur.

Facta ad eum modum bonorum Iesuitarum dispensatione per peculiare statutum sub infamia aut alia aliqua severa poena interdici posset: Ne quis primum de revocandis aut admitendis Iesuitis ullo tempore publice aut privatim mentionem facere ausit. Neve deinceps ulla ex Regno juvenis, nobilis praesertim, à cuius salutari institutione Patria salus pendet, ad Iesuitas extra regnum se conferat, iisdemq; se disponendam committat. Ne dum domi in

Militem e-
meritorum
Nosocomia

Statutum de
Iesuitis non
revocandis.

expurgando Jesuitarum fermento laboramus, illud ab extra nobis nihil tale suspicantibus obrepat.

Typographis
frenum in-
jiciendum.

Tandem opinor diligenter provideri oportere, ne per Officinas Typographicas talia in publicum spargantur, quae praesenti Reipub. status et Regni hujus libertati quocumque modo adversantur. Quas nimirum illa haecenus fuerunt, quae Iesuita adhuc sub moderna Regiae Majestatis regno, Cracoviae et alibi contra confederationem publicam in vulgus ediderunt. Talia inquam quae per ipsorum jugulum reditura fuissent, si Legum publicarum is vigor, ea observantia in Polonia esset, qualis in bene constituta Reipub. esse debet. Vbi tamen Safricies ista hoc insuper dolo ut plurimum usa est, ut huiusmodi pestilentia scripta sub alienis, certorum nimirum Pralatorum, nominibus emiserint: Vt nimirum hac ratione unumquemque Clericum in invidia publica consortium pertraherent, et disperso in plures facinore, ejus vindicationem Reipub. difficultiorem facerent.

Hac inquam ratione, si in Matris nostrae Reipub. Polonica curatione procederetur, ita nimirum ut in huiusmodi processu sororum ejus Europaearum antegressa Vestigia intente observaremus, tum demum de mediocritate successu spem aliquam mihi imaginari et tibi etiam, mi Frater, polliceri possem. Sic etenim peregrinismum illam, ut ita loquar, à quo nobis non abs re metuimus, inter nos eradictum et penitus obtritum iri considerem: Vt ipsum primum Clericum, cujus ad efficeudum statum publicum permagnam vim esse nosci, commodiorem, et publicarum legum, sicut et patriae libertatis studiosiorem simus experturi, quam haecenus eum in rebus maximi momenti experti sumus. Deinde si in Reipub. administratione, circa rerum Polonicarum caput aliquid vitii apparuit, aut negligentiae aliqua nota fuit deprehensa, opinor et illud remota hac corruptela paulatim emendari posse et restitui, idque citra omnem tumultum et perturbationem. Tandem in ipsa etiam Aula illud factionum studium, quod haecenus iustitia valde inimicum sumus experti: paulatim residebit et extinguetur. Sublatamque et quasi obstructa hac capitali diffidentia, et publica indignationis scaturigine, omnes Regni partes et ordines sub unanimes pacis studio denuo inter se coalescent, et sic tandem Reipub. totius corpus pristina sanitati restituetur.

Quam diu vero hoc negligetur, nostris legibus, constitutionibus, confederationibus, congregationibus nil amplius efficiemus, quam ut irritato malo Reipub. scissuram amplificemus, dum ignis qui ad momentum sopitus videbitur, denuo erumpens majorem frugorem edet.

Hac sunt mi Frater, quae in praesentia de rerum nostratum statu ejusdemque correctione mihi in mentem venerunt, quaeque tuo iudicio subjicere velui.

Si qua autem praeter haec desideraveris, illa vel aliunde commodius petere, vel eorundem disquisitionem in nostrum congressum differre poteris. Vale Deo, Patria,
tibi tuisque.

F I N I S.

